

Rom

1 ¹I aŕeta, Yesu Kerisoné kutó diratere whi Pol-né dapó. Kótóné ama fo wisi yó maté kweyópoló, a beterepaae ape yóló, e *aposel* whi sóró beteralepó. ²Yesu Keriso a waai teópatei, Kótóné kóló whirapené so whi tao saaire fo wisi waalopóló, yóló mulale fo ama kae muló betere *buk-mó* aseyóló mulélipakalepó. Ai fota me kae mei, Kótóné ama naalemamó erapó. ³⁻⁴A mo tiki daaleteita, ti Depit-né deté wale whiné deyaleteiné erapó. Mo kae beterotu betere Deji Kepe Wisiné a Kótóné Naalema mo doasi fotokó bole whipóló so whi feané kisipa yópoló haķearaletaitea, a sukāletei momó kepaayale alané eralepó. A me kae mei, da tēteróló kaae tare whi Yesu Kerisotórotipó. ⁵Yesuné ama doi doasi muópoló, Kótóné aṗaae matepa amamo hamokoróló daṗaae *aposel* kutó melalepó. Atēyaletaitea, Juda meire fake so whi fea Yesu Keriso beterepaae wóló, aṗaae kisipa tiki tiróló ama fo aomó sukóló beterepóló, ai fo yó maté kweyae yóló, da sóró beteralepó. ⁶Diakélé Yesu Kerisoné a beterepaae ape yóló, ama fake so whitamó touró betereiteiné mo ama so whitóró beteraṗó.

Pol Rom-paae faai yale fo

⁷Yalo i dere aŕeta, Rom bemó betó mole Kótóné yaala sókó furaalu a beterepaae ape yóló, sóró kae betero betere so whipaae dapó. Térapa, dané Aya Kótóro Tale Yesu Kerisotamoné hamokoróló tao sere alaró hosaa muni deyóló mo dua betere alatamo, diā feapaae erópoló yae.

⁸Yalo folosóro dere fo i ape. Diā Talepaae tuē tiki tiró beteraṗóló, i hae kwiamó betó mole so whiné deté fupa yalo wosalepó. Diā fea atéro betepa, e Yesu Keriso tuamó bitu, e tēteróló kaae tare Kótópaae mo kée du beteraṗó. ⁹Kótóné ala eróturaalu, yalo hosaa tuamó doasi ketekē buóló, ama naalemané fo wisi so whi feané wosópoló i yó mótu betere ape. Ai Kótóné keletómó, betere dokó yalo diā kisipa keteréni, diāmó moma haķe eró taretei ama mo kisiparapó. ¹⁰Atéro moma deté wou betereitei, mió mo dokonóturaalu e diā beterepaae wópoló, Kótóné ama tu aleraai kisipa mupa, ti ai ala mo erópoló du beteraṗó.

¹¹Deji Kepe Wisiné e tuapaae hamokoróló erale ala wisi diā fotokó buóló beterepóló, yałomo diā melaai e diā beterepaae mo wonée du

beterapó. ¹²Ë diã beterepaae wonée du betereteita, haļe meipó. Diaaø Talepaae kisipa tiki tiró betere alané ę ketekę bulóo, yaļo kisipa tiki tiró betere alané diãkélé ketekę bulóo yaai kisipa mutu waai dapó. ¹³Ne norape-ó, yaļo i dere fo diãné kisipa yaasepóló diriyóló wosae. Ë mepaae Juda meire fake tuãpaae fóló, Kótóné ala eróló du olerótu yale kaae, diã tuãpaaekélé ai ala eraai kisipa mutu wonée du beteretei mepaae alané sesé deté wóló, miókélé ai alatóró haļe du beterapó.

¹⁴Ëta, Krik fo bole whjró kae be fo bole whjtamokélé, *skul* yóló doasi kisipa sere whjró *skul* ini mo haļe betere whjtamopaaekélé i fo wisi yó matere ala Talené ępaae dirae yóló melale kutó ereteiné taaréni, feapaae mo eraai doasi ketekę bulapó. ¹⁵Atére betené, diã Rom bemó betó mole so whjpaekélé kale fo wisi yó matere ala ę wini, halaainé yó melaai mo doasi ketekę bulapó.

¹⁶Ti ai fo wisi tuãmóta, Kótóné ama fotokę boleteiné ai fo wosóló tuę tiki tiró betere so whj fea aluyaøsóro, tao saaire fopóló kisipa mutu, ę wini halaainé yó mótu beterapó. Ai fo wisi folosóro Juda fake so whjpaee yó melóló, nalo ti Juda meire fake so whjpaee i yó mótu betere ape.

¹⁷I fo wisinéta, Kótóné keletómó mo donoi so whj beteratere ala i ape yóló, haķearóló yó mótu beterapó. Ti ai donoi alata, kaae sóro deté fóló kemene folepaaekélé me alané sumitei, kisipa tiki tiratere alané betã sua dapó. Ti aita, ašemó ere fo kaaepó. “Mo donoi so whjta, kisipa tiratere alanétóro bitiré faalopó,” erapó.

Kótó fopaae butu erótu betere ala

¹⁸Téatei, i haemó betó mole so whjné Kótó betere kisiparutei, bitini nisyóló ama fo wosaalo hõróló, kae kae du betere dowi alané kale bete mole mo fo wisi aluróló husirótu beterapó. Atétu betepa Kótó hepen bemó bitu, ai dowi alatamo fopaae boletei so whj feané kolõpóló, haķearótu beterapó. ¹⁹Ti ama ai fopaae butere alata haļe mei, Kótó ą etei kaae Tale beterapóló so whjné kisipa yõpóló, amatei ą haķearóló yó mótu betalepó. ²⁰Mo take Kótóné i haeró yó mole ęla ęlatamo kaarale alimó kaae sóro bitiré wale so whjnekélé, mió i alimó betó mole so whjnekélé, Kótó ą tuãmó ere ala kelené kelenénipó. Téatei, ama aleyóló muló betere ęla ęla kilituraalu, i ere ęla ęla feata, mo ti betere Kótóné doasi fotokęné alerapóló kisiparapó. Atére betené fo tokõtamo yóló taletere alimó, Kótópaae ya betere kisipa iniru yalepóló, ama kisipa felératere fokélé mo yaalomeipó.

²¹Ti noatepae, Kótó atimané kisipa irutei, Talepóló ama doi doasi muõpóló hale horatere ala ó mo kée dere fokélé dua inipó. Téturaalu, atimané mole tuę tikikélé okoko iru, hosaakélé mo tóru yóló diliki yó falepó. ²²Ti atimanétei dãta, tuę tiki fosó fosó yóló dotoróę fale whjrape beterapó du betepatei, atima okokoi whj alée fóló beterepó. ²³Atéru,

sukókéle ini, ama kae ere de wisinaale faane Kótó betepatei, kelené kilinipóló taalóturaalu, kelené keletere ɔla ɔlatei, Kótó sūróló whinə naasené aletua yalepó. Ti ai aletua dere ɔlata, whi ó ba, na, hupu, wuli, aita sukutua dere ɔlarapetei sūróló aleóló aso daaróló, atimané Kótópóló momatua yalepó.

²⁴Atétu betale betené atima hosaa tuámó ekele yóló du betere dowi ala mo ti fakeyóló so ó whi hamomatamotei nópu nokole ala du betepa, Kótóné sesé ini, mo ti deté fu beterópóló taaralepó. Atétepa, haɓe deté fu betale mo sonaalei dowi alané atima tikitei folokoleróló, u dorɔle i dorɔle du betalepó. ²⁵Atéturaalu, Kótóné mo fo wisi taaróló, kapala fotei tao tawalepó. ɔla ɔla fea aleyóló muló betere Tale betepatei a aqmó sukóló bitini, ama aleyóló muló betere ɔla suka, kósupó, hupu, na, hasi, ni atimané talepóló aqmó sukóló bitu, ai ɔla ɔlané hekesere ala eróló momatu betalepó. Ai ɔla ɔla feata, Kótóné aleóló muló betereiteiné ama doi betɔ hale sóró horóló, mo kée fo du betenérápó.

²⁶Atima atei ala haɓe du betepa, mepaae mo sonaalei dowi alakélé ekele yóló haɓe deté fu beterópóló, Kótóné seséni taaralepó. Sorape atima whiɓtamo dere ala taaróló, so hamomatamotei dowi ala du betalepó. ²⁷Soné ai dere ala kaae, whiɓrapenékélé sotamo dere ala taaróló, whi hamomatamotei yaaire dowi ala atimané hosaa tuámó si kaae dukuraalu, ekele yóló du betalepó. Whinə yópóló Kótóné muló betere donoi tu mupatei taaróló, whi hamomatamotei sonaalei ala du betaiteimó, Kótóné matere dowi kwia atimané tikimótóro su betalepó.

²⁸Ai ala tómó, Kótó a etei kaae Tale beterapó tuɛ ini, haɓe ɔla nisiyóló taae faraiteiné atima mo okokoi tuɛ mulóló, ené inire ala hoko deté fu beterópóló taaralepó. ²⁹Atétepa, du betale dowi ala atima tuámó faayóló sɔraletei i ape. Donoi ala ini, hoko dere alakélé, so nópu nokole alakélé, ɔla ɔla mo dekeró senée dere alakélé, mepaae dere sonaalei dowi alakélé, haɓe yó tarepó. Téturaalu, mepaae whiné mole wisi wisi ɔla ó du betere alakó enée yóló dei tuɛ mutereiteikélé, whi dele alakélé, hɔle sere alakélé, whi dilikitere alakélé, me whiɓpaae dei kisipa mutere alakélé, betere dokɔ haɓe yó tarepó. ³⁰Tétu me whi kikiti eratere fokélé, mo haɓeamó yóló sininatere fokélé, Kótó hóróló bóe dele alakélé, fo wosóló aqmó bitini, dowaae fole alakélé, nene duraalu bopé faketerere alakélé, me whiné amatei a doi sóró horatere alakélé, haɓe du beterapó. Aita atimané tuɛnétei kae kae dowi ala kaaróo, hama alimané dere fokélé woseni dowaae fóo, duraalu dapo. ³¹Tétu, wisi tuɛ mutere alakélé, kisipa tiki tiratere alakélé, yaala sókó fole alakélé, kɔlené sukutere alakélé, atima tuámó mo munipó. ³²Kótóné ama mo donotóro taleturaalu, atei kaae ala du betere so whiɓta, mo ti sukópóló dae ere fo atimané tuɛ irutei, dowi ala haɓe yó tawóo, atei kaae ala du betepa mepaae whiné kilitu, ai alata mo wisirapa yae yóo du beterapó.

Kótóné fo tokóló mo donotóró taletere ala

2 ¹Atérapa, diꞥ mepaae so whiꞥné du betere ala taleyóló só derótu betere so whiꞥ-ó, fo tokóló taletere sukamó diꞥ haꞥsóko faai kisipa mutu, me fo tokóló matere alakélé mo yaalomeipó. Ti noatepae, atima du betere ala kaae diaaokélé du betereiteiné, atima só deróturaalu diꞥkélé ai só derótu betere ape. ²Ai ala du betere so whiꞥta, Kótóné haꞥle hoꞥko taleyóló só deréni, atimané mo yale ala Kótóné mo donotóró taletu betereitei dané kisiparapó. ³Diꞥ mo whiꞥné mené dere ala taleyóló só derótu betere-a, atimané ai dere ala kaae diaaokélé du betepa, Kótóné mo donotóró taletere tuꞥmó diꞥkélé haꞥsóko faalopóló de? ⁴Meta, Tale aꞥ mo wisi alatóró erótu betere Kótó bitu, diꞥ haꞥsóko fóló dowi ala depa kwia hapale tokóló meni yóo, diꞥ tuꞥ wisipaae fópóló kaae taté fóo, du betere ala diꞥ kisipani, haꞥle ɔla kaae aɔróló faletu betere? Aꞥta wisi alamaaté erótu betere Tale ereiteiné, diꞥ dowi ala taaróló tuꞥ wisipaae fópóló, kaae taté fu betere ala diaaɔ kisipa ini airapó?

⁵Tépatei diaaɔ hosaa taꞥru, dowꞥae fóló dowi ala haꞥle yó taremó Kótó aꞥ fopaae butu, kwia melaaire ala diaaɔtei betapaae yóló muté ai hutu betere ape. Atéró kwia matere alata, ama mo donoyóló taletere ala haꞥkearatare be deꞥmó yaalopó. ⁶Kótóné aseꞥmó i fo erapó.

“Betꞥ betꞥ so whiꞥ atimané yale alamó Kótóné kwia mo donotóró melatepa saalopó,” erapó.

⁷Mepaae so whiꞥné wisi alatóró haꞥle yó taru, Kótóné ama kae ere deꞥ wisinaalekélé, wisi doi muaaire alakélé, aꞥtamo betꞥmó betó tawaaire alakélé, senée yóló wóputu betere so whiꞥpaae Kótóné mo ti betere bete melaalo ai ape. ⁸Téretei, mepaae so whiꞥ kale mo fo wisi wosóló aꞥmó bitini, atimatei heꞥkese yaaire dowi ala sya fóló, du betere so whiꞥtamo Kótó aꞥ fopaae butu, kwia melaalo ai ape. ⁹Atéturaalu, dowi alatóró du betere so whiꞥ fea dei fomaake kisipa muópóló, Kótóné sekeꞥi ala folosóro Juda fake so whiꞥpaae eróo, nalo ti Juda meire fakepaae eróo, yaalopó. ¹⁰Téyaalotei, wisi ala du betere so whiꞥpaae ti Kótóné ama kae ere deꞥ wisinaalekélé, wisi doi muaaire alakélé, hosaa muni deyóló dua betere alakélé melaalopó. Ai alata, folosóro Juda fake so whiꞥpaae melóló, nalo ti Juda meire fakepaae melaalo ai ape. ¹¹Ti noatepae, Kótó aꞥta me fake so whiꞥpaae wisi ala eróo, me fakepaaemo dowi ala eróo dumi, mo betꞥ kaae alatóró erótua dapó.

¹²Mepaae so whiꞥ Kótóné ama tukóló muló betere fo tuꞥ inipatei, dowi ala du betepa, ti ai tukóló muló betere fo haꞥle mupatei, Talené atima só deróló mo ti aluraalopó. Atétere kaae, mepaae so whiꞥ fea Kótóné ama tukóló muló betere fo tuꞥ irutei, dowi ala du betepa, ti ai tukóló muló betere fonéitei só deraalo ai ape. ¹³Ti noatepae, Kótóné ama tukóló muló betere fo haꞥle wosetu betere so whiꞥpaae mo donoi so whiꞥpó yaalomeitei,

sya fóló erótu betere so whípaae ti mo donoi so whípó enérápó. ¹⁴I dere fota mo dapó. Juda meire fake so whípaae kale tukóló muló betere fo mené dosayóló yó meni, atima kőleaanétei ita wisi alapó, ita dowi alapóló tuépa, ti Kótóné ama tukóló muló betere foné eraaire ala atimané hosaa tuamó aşretei hăkearatapó. ¹⁵Atéturaalu, atimané me dowi ala depa, ti hosaa tuamó atimatei só deróo, me sukamó yale ala tuéneitei talerălemó, me ala yale kisipa munitepa, ti atima só derénipó kisipa muóo, dua dapó. Atétere alané Kótóné i ala yae, i ala yaqse ere fo atima hosaa tuamó aşretei hăkearatapó. ¹⁶Ti ai alata, Kótóné so whi feané hosaa tuamó hiróló mole alarape taletere be demótóro Kótóné Yesu Kerisopaae tale yae depa, amamo tale yaalopó. Kale fo wisi yało yó móturaalu me fo kae dumi, ai fotóro yó mótu beterao.

Kótóné tukóló muló betere fo Juda fake atimanékélé tikitua dapó

¹⁷Térapa, diă Juda fake so whi-ó, yało i dere fo mo wosae. Diaaő kisipané diăta, Juda fake bitu, kale tukóló muló betere fopaae tué tiki tiróló, Kótótamo fulumu yóló betamó betere so whípóló bopé faketu bitu de? ¹⁸Kale tukóló muló betere fo tuamó mo bete mole foró doasi kisipare alatamo diaaő diriyóló kisipa sóro, Kótóné ama yaaı kisipa mole ala betekélé şumó tuęruraalu, kae kae ala fea taleyóló, mo bete alata i ape du betere? ¹⁹⁻²⁰Ti diă feata, Kótóné tukóló muló betere fo tuamó bete mole alarape fea bulapóló kisipa mutu, kele dilikire whirape ałisóro fóló tu yó melóo, diliki tuamó betere so whi demó beterőpóló deróo, okokoi kisipa mole so whi donorate ala yóo, keteirape yó matere whi betóo erapó du bitu de? ²¹Ti diăné ai yó mótu betere fo-a, diaaőkélé sya fóló du bituraalu de? Diăné mepaae so whi ma duraalu, ęlémi naqse du betere-a, diăkélé ęlémi nukumié? ²²Diaaő mepaae so whi ma fo duraalu, nópu naqse du betere-a, diăkélé nópu nukumipóló de? Diă kapala kótópaae moma yaaı aleale ęla hórótu betere so whi-ó du betere-a, diă momatere bemó muó mole ęla ęlémi sinituraalu de? ²³Diă kale tukóló muló betere fo tuęrapóló bopé faketu betere so whi-ó, diaaő ai ere fotei tukóló, Kótóné doi folokoleróló dorótumié? ²⁴Diaaő du betere alata, aşemó i ere fo kaaepó.

“Diaaő du betere alané Juda meire fake so whi tuamó Kótóné doi wisi mo ti doró beterao,” erapó.

²⁵Kale tukóló muló betere fo sya fóló erótu bitutamo, tiki sekaę tukóló sirótu betepa, ti bete mulapó. Téni, kale tukóló muló betere fo sya feni tikitua betepa, ti tiki sekaę tikinire whi aőrapó. ²⁶Téretei, mepaae tiki sekaę tikinire whiné kale tukóló muló betere fotamo sya fóló erótu betepa, ti tiki sekaę tikire whiné dere ala kaae yaalo meipóló de? ²⁷Atérapa, diă tiki sekaę tukóo, kale tukóló muló betere fokélé tué yóo irutei, ai fo tikitua betepa, ti tiki sekaę tikinirutei kale tukóló muló betere fo sya fóló erótu betere whi rapené diă só deraalo ai ape.

²⁸Mepaae Juda fake whi haŕe tó tiki né maaté ɗaɗa, Juda fakepó du betepa, ti ai whi ɗ mo Juda fake whi meipó. Ti mo tó tiki sekaɗ tikitu betere alata, me bete munipó. ²⁹Mepaae whi detamo ama hosaa tuamó Juda whi betepa, ti ɗ mo Juda whi ai ape. Ašemó ere fo maaté sya fóló mo siriró betepa, aita bete ala meipó. Ɖɛi Kepe Wisiné hosaa tuamó siriró betere whiɗa, mo siri eró betera pó. Atei kaae whi doi sóró horatere alata mo whiné dumi, kótóné betɗ ɗ sóró horótu betera pó. Kótóné betɗ ɗ sóró horótu betera pó.

Mepaae alané Kótóné eró tare wisi ala aluranénipó

3 ¹Térapa, Juda fake kolósu, Juda meire fake kolósu depa, noa wisi alané Juda meire teraae fale? Ó atima tiki sekaɗ tikitere ala tuamó noa ke wisikó bule? ²Aita mo kae kae ala fea atimapaee meló betere teiné teraae falapó. Ti folosóró meló betere topo ala i ape. Kótóné mo ama fotóró atimapaee wisiyóló kaae tawae yóló, melóló atima sóró beteralepó.

³Ti mepaae Juda fake so whi ɗapaee tuɗ tiki tirénitere betené noa ala yaaloé? Ai dere alané Kótóné ama so whi ɗapaee eró tare wisi ala doróló aluranére? ⁴Mo meipó. So whi feané dere ala taletapa, kapala fo bupatei, Kótó ɗ betɗ mo fotóró bulapó. Aita, ašemó i ere fo kaaepó.

“Naa dere fokélé mo donotóró yóo,

fo tokóló taletere alakélé, naa kisipa mole ala sya furaalu mo donotóró dapó yóo, yó póló yae,” erapó.

⁵Ɖané hoko du betere dowi alané Kótóné mo donoi ala so whiné koló póló haŕearatepa, ɗané noa fo enére? Ɖané du betere alamó Kótó ɗ fopaae buturaalu kwia matepa, hoko ala dapó yaaloé? Ti atei kaae mutere tuɗta, mo whiné mole tuɗpóló i dere ape. ⁶Kótó ɗta, hoko ala dumipó. Atei kaae ala wuɗsóró, ti i haemó betó mole so whi featamo netéro fo tokóló tale uáɗ? ⁷Mepaae so ó whiné etei kaae fo enérapó. “Yaŕo kapala ala du betepa, ti Kótóné ama bete mole alaró mo kae ere ɗ wisinaaletamo haŕearóló, mo ti fakerótu betera pó. Atétu betepatei, noatepamo Kótóné ɗ dowi ala dere whi póló, só derótu betere?” enérapó. ⁸I dere fotamo mopa, ti etei kaae fo enérapó. “Wisi ala sókó wó póló, ɗa dowi ala dekeró yaalopa sae!” Ɖané atei kaae hoko fo du betera póló, mepaae so whiné ɗa doi doróló erótu betera pó. Mepaae whiné kélé atei fo deté fupa wosalepó. Talené atei kaae so whi só derótu betere alata, mo donopó.

Donoi whi mo betakélé bitinipó

⁹Térapa, atei kaae dere forape woseturaalu, ɗa noa kisipa munére? Kótóné ɗa Juda fake wisiyóló kilituraalu, Juda meire fake siwiyóló tao sumipóló kisipa mute? Ai ala mo dumipó. Ɖa Juda fake kélé, Juda meire fake kélé, fea betɗ alatóré ereteiné dowi alané dokóló muló betera pó. ¹⁰Aita, ašemó ere fo kaaepó.

“Donoi ala dere whi mo betakokéle bitinipó.

11 Mo betá whinékéle etei kaae Kótó beterapó kisipa muóo, mo betá whinékéle Kótó kelaai dapóló keteké buóló kekço, mo dumipó.

12 So whi mo fea tu wisi taaróló kópaee fóló, atima feané du betere ala bete muni, mo ti doyo falapó.

Wisi ala dere whi mo betakokéle bitinipó. Mo meipó,”

13 “Atimané du betere fota, whi dou tukitepa dei kēlaa sókó woutere kaae yóo, atimané dere fokéle whi dilikóló kapala fotóro yóo, atimané kolómó du betere fokéle, whi tukó nóló sukunatere dowi fe bole wuliné whi dóló sukunótu dere kaae, yóo du beterapó,”

14 “Atimané me whi yóló sininóló só deratere foró, whi hakesaraterere fotamo atima tuámó fānuraalu, hāle yótóro tarapó,”

15-17 “Atima whi daai keteké buóló kekepatamo furaalu, bekéle, ọla ọlakéle fea doróo, so whikéle susupuróo yóló fi tikimó, nalo wale whiné atima kaketu betepa kelaalo ai ape. Atéturaalu, hosaa muni deyóló mo dua betere ala atima mo kisipanipó.”

18 “Ai so whi atimané du betere alamó, Kótóné kwia melaalopóló witere alakéle mo dumipó,” erapó.

19 Kale tukóló muló betere fota, hāle whirapepaee dumitei, ai fo aomó sukóló betere so whipaae dapóló kisipa mutapó. Atére betené i haemó betó mole so whi feané yale ala betakéle hāsókó feni, mo donotóro taletere sukamó, dané yale dowi alamó dāpaee wosetepa, me fokó hiréni, mo dono dapó fo betá enérapó. Téturaalu, mo betá whinékéle atei ala inipóló, Kótópaee me tokó matere fokéle mo enénipó. 20 Atéreteiné Kótóné mo betá whipaaekéle, yaṭa kale tukóló muló betere fo wisiyóló erótu betaletiné donoi ala du betale whipó fo mo yaalomeipó. Ti ai tukóló muló betere fonéta, dā fea dowi ala dere so whitóro beterapó kisipa muópóló, dāpaee hākearóló yó mótu beterapó.

Tuē tiki tiratere alané donoi so whi beteratapó

21 Tépatéi, Kótóné tukóló muló betere fo mupatei, mió ama so whi donoratere ala hākearó betepa kelerapó. Ai ala yaalopóló, kale tukóló muló betere foró koló whirapetamoné ašemó erapó. 22-24 Ti Juda fake ó kae fakekéle me ala kae inipó. Dā fea dowi ala yó tareteiné Kótóné ama ere dē wisinaale mo yaṭarapó. Atépatéi, dā fea Kótóné hamokoróló hāle tao sere alané donoi so whi beteralepó. Ai tao sere alata, Yesu Kerisoné ama betere bete melóló, dā dupuró beterapó. 25 Ti Kótóné Yesu sukópóló meló betere alata, so whitamo fopaae bole ala kemeróturaalu erapó. A atéro sukāle ala mopóló tuē tiki tiratere so whitamo Kótóné fopaae butere ala momó kae yaqsóro, mo ti kemeró beterapó. Ai ala ereteita hāle mei, ama donoi ala so whi feané kolópóló, hākearóturaalu yalepó. Ti noatepae, take bitiré wale so whiné du betale dowi alamó, kwia hapale tokó meni,

dua kaae taté fu betalepó. ²⁶Ama ai ala yaleteita, mió i alimó betere so whiné ama donoyóló taletere ala kilitu, a mo donoi Tale betóo, Yesupaae kisipa tiraterere so whi donoraterere Tale betóo ere ala kisipa yópóló haķearalepó.

²⁷Térapa, so whi feané haķe bopé fake dere alata, noa wisi ala yale tikimó bopé fake yaaloé? Noa ala sya feleteiné bopé faketerere ala hepée faraleé? Aita, Kótóné tukóló muló betere fo sya fele alané ini, Kótópaae betā tuķ tiki tiraleiteiné yalepó. ²⁸Ti noatepae, đané kutirimó muló bitu eró tare mo bete mole ala betā i ape. Kótóné mepaae so whi paae diā donoi so whipó dere fota, kale tukóló muló betere fo sya fóló erótu beteremó dumipó. Tétumitei, Kótó a paae kisipa tiki tiraterere alamó betā đapaae mo donoi so whipó enérápó. ²⁹Ti Kótóta, Juda fake so whi maaté tķteróló kaae taru, Juda meire fake so whi kaae tanipóló kisipa mute? Meipó. Aķa, Juda meire fake so whi kélé fea tķteróló kaae tare Kótó beterapó. ³⁰Ti noatepae, tiki sekaķ tikire whi ró tikinire whi tamó wusuró betā kaae tuķ tiki tiró betepa kilitu, atima fea ama so whi beterópóló, ai betā Kótónétóró donoróló, beterótu beterapó. ³¹Tuķ tiki tirae yóló đané yó mótu betere foné Kótóné tukóló muló betere fo bete munire ęla aķrótu betere? Mo meipó. Ti ai tukóló muló betere fokélé mo bete mulapóló, đané du beterapó.

Abraham kisipa tiró betepa donoi whipó erapó

4 ¹I yale fomó, đā Juda fakené noutere Abraham-paae Kótóné noa ala eratepa ama kolóló kisipa salepóló đané noa fo yaaloé? ²Motamo Abraham-né du betale wisi ala kolóló, Kótóné a paae mo donoi whipó uāşóró, ti a bopé faketerere ala uāpó. Tépatei, whi betā nekélé Kótóné keletómó bopé fake dere ala mo enénipó. ³Ti *buk*-mó noa fo aşęyóló muló betere?

“Kótóné Abraham-paae i ala eraalopóló mulale fo wosóló, ama mopóló tuķ tiki tirale ala Kótóné kilituraalu, a paae me alakélé muni, mo donoi whipó” erapó.

⁴Betā whi mené kutó dirateremó matere duputa, kęleyóló haķe mótumitei, ama diale kutómó matapó. ⁵Ti mo whinéta ai ala dua deretei, me whiné a paae mo donoi whipó yópóló kisipa mutu, me wisi ala ini, dowi ala dere so whi donoraterere Kótópaae tuķ tiki tiraterere kilitu, ai whiné ama dowi ala kwia tokóló aluróló, mo donoi whipó dua đapó. ⁶I dere fo kaae, Depit-nékélé aşęrapó. Me whiné ama ditere kutó kolóló dumi, Kótóné mo donoi whipó dere fo wosetu, a haķné sukutu beterapó. Ai ere fo i ape.

⁷“Mepaae whiné Kótóné fo tikitu beteremó, melaai yale kwia haķe kemeróo, atimané mepaae dowi alakélé Talené ama husuróo, ere whi rapeta, mo haķné sukutu beterapó.

⁸ Mepaae wh̄iné ama yale dowi alamó Talené kwia mo melókéle yaalomeipó, dere fo wosetere wh̄i ʔ h̄ainé sukutu beterapó,” erapó.

⁹ Mepaae wh̄i Talené wisiralepóló h̄ainé sukutere alata, tiki sekaʔ tikire wh̄ipaae maaté eróturaalu, tikinire wh̄ipaae eranénipóló kisipa mute? Mo meipó. Ai fake tamo wusurópaae betʔ kaae alatóro eraalo ai ape. Ti dané noa fo yó maté waleé? Abraham-né Talepaae tuʔ tiki tiratepa kilituraalu, ʔpaae me alakélé muni, mo donoi wh̄ipó yalepó. ¹⁰ ʔpaae ai fo eretei-a, tiki sekaʔ tikire wh̄i betepa yalepé, tikaai h̄ale betepa yaleé? Aita, tiki sekaʔ tukóló betepa ini, tikaai yalepó. ¹¹ Mo take Abraham ʔ tiki sekaʔ tikaai patee, Kótópaae tuʔ tiki tiró betere kilitu, ʔpaae mo donoi wh̄ipó erapó. Até itikimó, nalo ama tiki sekaʔ tukóló sirirélipakalepó. Aita, ʔ mo donoi wh̄ipó ere fo mo erapó yópóló, ɖale muló beterapó. Abraham ʔ ai ala ereteiné mepaae tiki sekaʔ tikinirutei Kótópaae tuʔ tiki tiró betere so wh̄iné aya beterapó. ʔ atéreteita h̄ale meipó. Atimané tuʔ tiki tiró betere ala Kótóné kilitu, mo donoi so wh̄ipó yópóló erapó. ¹² Ti Abraham ʔta, tiki sekaʔ tikire wh̄irapené ayakélé beterapó. Ai ala maaté mei, ʔ tiki sekaʔ tikaai patee, tuʔ tiki tirale ala sya fu betere so wh̄iné ayakélé beterapó.

¹³ Kótóné Abraham-paae duraalu, “Yʔró naao naalené deté faaire naaletamomó i hae tiki mo turó melaalopóló,” yóló munélipakalepó. Ai alata, Kótóné tukóló mulale fo sya fóló eraleteiné sini, Talepaae tuʔ tiki tiratepa donoi wh̄ipó yale alané salepó. ¹⁴ Ti noatepae, tukóló muló betere fopaae kisipa tiratere so wh̄iné ama eraalopó yóló mulale ɖlatamo supa, ti tuʔ tiki tiratere ala ke buni yóo, Talené ama eraalopó yóló muló betere fokélé bete muni yóo, ere aʔratapó. ¹⁵ Ti noatepae, mepaae so wh̄iné kale tukóló muló betere fo sya fu bitutei, tukóló dowi ala depa, Kótó ʔ fopaae buturaalu, kwia mótua dapó. Ai tukóló muló betere fo kisipa inire wh̄irapené ai fo tikitepa, ti kale fo tikitapó fo dumipó.

¹⁶ Atérapa, Kótóné ama eraalopó yóló mulale fo dokonóló eratere alata, Kótó ʔpaae kisipa tiratere so wh̄iné ama hamokoróló h̄ale tao sere ala sópóló mótua dapó. Ti ama eraalopó yóló mulale fo dokonóturaalu, Abraham-né deté faaire naale senaalepaae erópóló yalepó. Ti Abraham-né naale senaaleta de maaté? Aita, kale tukóló muló betere fo kaae tawae yóló, melale fakepaae maaté eraalomeitei, Abraham-né tuʔ tiki tirale ala sya fu betere so wh̄ipaaekélé eraalopó. Ti ʔta, ɖa tuʔ tiki tiró betere so wh̄iné ayapó. ¹⁷ Aita, i asere fo kaaepó. “Yʔlo yʔ haemó betóló fale kae kae tiki daae mole so wh̄i feané aya beteratapó,” Ti ʔta, ama kisipa tirale Kótóné keletómó dané aya beterapó. Ai Kótóta, sukale so wh̄i momó kepaaróo, me ala yaai teópatee, mo erapó dere Tale betóo erapó.

¹⁸ Kótóné Abraham-paae eraalopó yale ala eraaire ʔpa meitei, mo eraalopóló Talepaae kisipa tiki tiraletiné, kae kae tiki daale so wh̄iné aya alée felepó. Ti ai alata, Talené ʔpaae duraalu, “Ó ʔapaae kese horóló h̄ore

dosqayae. Nao deté faaire naale senaaleta, ai ere ala kaaetóro yaalopó,” yale fo mo dokonalepó. ¹⁹⁻²⁰ Abraham a 100 ba fo betóló kemeyaleteiné mo ti otere yóo, soma Serakélé sere yóo erepó. Atéru, naale senaaale deyaaire fotokq mo buni, atimaamo otereró seretamo betere ala diriyóló tuépatei, Talené aqaae eraalopó yale fo mo eraalopé neyaqalorópóló béyóló haepaae derepéni, mo eraalopóló ketekq buóló tuq tiki mo ti tiró bitu, Kótóné doi hale horótu betalepó. ²¹ Aita haqe mei, Kótóné eraalopó yóló mulale fo ama fotokqoné mo sumó eranérapóló kisipa mutu, ama tuq tiki tiratere ala mo ti fotokq bualepó. ²² Atéreteiné Kótóné aqaae “Ya mo donoi whi aleróló beteratapó,” erapó. ²³⁻²⁴ Atéro donoi whipó ere fota, Abraham a maaté tao sóro wisirótu initei, da nalo betaaire so whikélé wisirótu erapó. Da tetéroló kaae tare whi Yesu a mo ti sukqletei, momó kepaaróló beterale Kótópaae da feané tuq tiki tiratapa, ti dapaekélé donoi so whipó yaalo ai ape. ²⁵ Ti dané dowi ala tokóló aluraai Kótóné naalema dópóló melóo, da me dowi alakélé muni, mo donoi so whipó yaairaalu, a momó kepaaróló beteroo erapó.

Hosaa muni deyóló hajné sukqaire ala

5 ¹ Atéreteiné da Yesu Kerisopaae tuq tiki tiró betepa, Kótóné dapaee me alakélé muni, mo donoi so whipó erapó. Atérené mió da tetéroló kaae tare whi Yesu Kerisoné yale alané qaró Kótótamo bóe du betaletei kemeróló, hosaa muni deyóló dua beterapó. ² Da Yesupaae tuq tiki tiró betepa, Kótóné hamokoróló haqe tao sere ala dapaee erópóló, ama da dapesó fóló, ai ala tuqmó sóro beteroo beterapó. Tépa, da Kótóné ama kae ere de wisinaale tuqmó betaalopóló kisipa mutu, mo kée yóló hajtamo kaae tawóló i betere ape. ³ Nalo dapaee ai eraaitere ala maaté kelaai dumi, mió dapaee i erótu betere sekei ala tuqmó bitukélé, mo kée yóló hajtu beterapó. Ti ai sekei alané da haepaae só deréni, haqe beletétóro fu betere alanéte i hajtere ala kaarótu beterapó. ⁴ Atétere alané Talené ala eratere whi wisi beteroótu beterapó. Atéro whi wisi bitu, take nalopaae Kótóné wisi ala eratapa kelaalopóló, dere haj kaaratapó. ⁵ Take nalopaae wisi ala kelaalopóló hajtamo kaae taté fu betaletei, sinipóló fomo kisipa muaalo meipó. Ti noatepae, Kótóné ama yaala sókó fole ala dané hosaa tuqaae tepeyóló faanalopó. Kótóné ama ai yaala sókó fole ala dané tuq dere teita, ama damó melale De i Kepe Wisiné eralepó.

⁶ I dere fo wosae. Da Kótó tuqniru, dowi ala du betere so whi me ala yaaire fotokq bunipa, da tao saairaalu mo dono be demótóro Yesu Keriso sukqlepó. ⁷ Mepaae whi de mo donoi whi tao saai dapóló sukutere ala suka fea yó tani, betq betq sukamó maaté depa keletapó. Atétere kaae, mo donoi whi wisinaale tao saai dapóló, mepaae whi sukqairete i mo hapólurapó. ⁸ Tépatéi, Kótóné ama dapaee yaala sókó fole ala etéro haqearóló yó matapó. Dané dowi ala haqe yó tapa, ai yó tare dowi ala tokóló aluraairaalu, Yesu Keriso sukqlepó.

⁹ Ȧ sukuturaalu, sókó fele sameané dȧ donoi so whȧ beteró betereiteiné take nalo Kótó ȧ fopaae butu matere kwia dȧné saqsóró, ama tao saaire ala yaalomeipóló de? Mo tao senérapó. ¹⁰ Take dȧta Kótóné ama bóe whȧ betereitei, ama naalema sukuturaalu bóe firóló, betȧmó beteró betérapó. Mió ȧ kepaayóló betereiteiné dȧkélé mo ti betérpóló, ama ai eró betere alané mo yaalomeipóló de? ¹¹ I fota, take nalo yaaire alamó maaté dumitei, mió dȧ tȧteróló kaae tare whȧ Yesu Kerisoné yale alané dȧró Kótótamo bóe fiyóló, betȧmó bitu, mo kée yóló haȧné sukutu betérapó.

Adam-né ere ala tuȧmó sukó, Yesuné ere tuȧmó kepaayóo erapó

¹² Térapa, betȧ whȧiné yale alané i haepaae dowi ala wópóló tȧ tukȧyalepó. Atéyale dowi alané sukutere ala kaaróló, so whȧ fea sukuté fu betalepó. Ti noatepae, so whȧ fea dowi alatóró du betaleteinépó. ¹³ Kale tukóló muló betere fo sókó waai teópa, ti dowi alapi i haemó moipakalepó. Ai tukóló muló betere fo sókó waaipa, so whȧiné du betere dowi ala Kótóné fea taleyóló dosȧanipó. ¹⁴ Atépatei, Adam betale alimó kaae sóró so whȧ sukuté wóló, Moses betale alimó betere so whȧkélé fea sukutere alané tȧteróló kaae taru, haȧe sukutétóró fu betalepó. Ti Kótóné yóló mulale fo Adam-né tukóló ere dowi ala kaae, ai so whȧiné initei, atimakélé mepaae dowi ala haȧe deté fu betepa, sukutétóró fu betalepó. Ti Adam-né yale alata, nalo waaire whȧ betȧné yaaire alatóró sȧróló erapó.

¹⁵ Tépatei, Talené haȧe matere ala kolósu, ama fo tukóló yale dowi ala kolósu depa, mo betȧ kaae meipó. Téyaleteti, Kótóné hamokoróló tao sere alaró betȧ whȧ Yesu Kerisoné hamokoróló haȧe matere wisi alatamo, so whȧ feapaae mo turó sȧralepó. Atéyale alané folosóró yale ala mo teraae falapó. ¹⁶ Kale yale fo momó dapó. Kótóné haȧe matepa sere alaró betȧ whȧiné yale dowi alamó sere sekȧi alatamo betȧ kaae meipó. Betȧ whȧiné yale dowi alamótei, so whȧ fea taleyóló só deralepó. Atépatei, so whȧ feané fo tukóló yale dowi ala mo dekéró yó tapa, Kótóné haȧe matere alané so whȧ feapaae diȧ me alakélé muni, mo donoi so whȧpóló beteró betérapó. ¹⁷ Ti noatepae, betȧ whȧiné fo tukóló yale alamó sukutere ala ai whȧ tuȧmó sókó walepó. Atéyaletéiné so whȧ feapaae sukutere ala tokó melóló, ai alané so whȧ fea tȧteróló kaae tarepó. Kótóné hamokoróló tao sere alaró haȧe matere donoi doitamo sere so whȧta, ti betȧ whȧ Yesu Keriso tuȧmó mo ti betere bete sóró tȧteróló kaae taté fu betaalopó. Atétu sukutere alané tȧteróló kaae taretei, mo ti bosené falapó.

¹⁸ Atére betené betȧ whȧiné fo tukóló yale dowi alamó kwia móturaalu, so whȧ fea só deró betérapó. Atépatei, me whȧiné ti fo wosóló mo betȧ donoi ala wisinaale ereteiné so whȧ feapaae me ala muni, mo donoi so whȧpóló, mo ti betere bete mótu betérapó. ¹⁹ Ti noatepae, kale yaqse yóló mulale fo betȧ whȧiné tukóló yale dowi alamó, so whȧ fea dowi ala yale

whítóro alée felepó. Atére kaae, betą whinė fo wosóló sya fele alané so whı fea me alakélé muni, mo donoi so whı beteraalopó.

²⁰Kale fo tukóló du betale dowi ala mo ti fakeyópoló, Talené ama mepaae folosóro melale fotamo touróló, kale tukóló muló betere fokélé melalepó. Téyalemó, dowi ala mo ti faketepa, ai ala aluraai Kótóné hąle hamokoróló tao sere alakélé mo ti fakeralepó. ²¹Aita hąle meipó. So whı fea dowi alané tẹteróló kaae tapa sukuté fu yale kaae, mió dą tẹteróló kaae tare whı Yesu Keriso tuąmó betepa, Kótóné hamokoróló hąle tao sere alané tẹteróló kaae taru, dąpaae me alakélé muni, mo donoi so whıpóló, mo ti betere bete mótu betaai erapó.

Dą dowi alamó sukóló, Yesu tuąmo momó kepaayóló beterapó

6 ¹Térapa, mió dąné noa fo yaaloé? Kótóné ama hamokoróló hąle tao sere ala mo ti fake yópolópa, dą dowi ala hąle yó tawae fo enére? ²Ai fo mo enénipó. Ti taketa dą dowi ala tuąmó mo sukóló molepó. Atéreteiné ai ala tuąmó dą momó kae netéro bitiré faaloé? ³Ti dą fea wẹi tópuale alata, Yesu Keriso tuąpaae doropóló, ą sukąle ala tuąmó tópualepóló kisipa mutumié? ⁴Ti dą atéro wẹi tópuale alata, ątamo betąmó sukóló ą tuąmó douralepó. Ti hąle meipó. Alimané mo kae ere dẹ wisinaale tuąmó bole fotokóné Yesu Keriso kepaarótu yale kaae, dąkélé kisi betere bete sóro ątamo betąmó bitiré faairaaalu yalepó.

⁵Ti Yesu sukutu yale kaae dąkélé, ątamo sukutepa ti ą momó kepaatu yale kaae, dą feakélé kepaayóló betaalopó. ⁶Ti noatepae, ai upulé ala du betale whıta, ątamo filipaa ni tómó oleróló daletei dąné kisiparapó. Atéyale beteta, dowi alané dą momó tẹteróló kaae tawaqsóro, tó tikiné dowi ala yaai bole fotokọ kemerópoló, ątamo sukąlepó. ⁷Ti noatepae, mepaae sukutere whı ti dowi alané momó kae dokóló muni, teraae fóló hąle beterapó.

⁸Ti mió dą Yesu Kerisotamo betąmó sukunapóló kisipa mutepa, ti ątamo betąmó betaalopóló kisipa tiki tiró beterapó. ⁹Ti noatepae, Yesu Keriso ą sukóló kepaayóló betereitei, momó kae sukąalomeipó. Sukutere alané ą tẹteróló kaae tawaaire súnire ala dąné kisiparapó. ¹⁰Ą sukąle beteta, dowi alamó ąpaae erótu betale sekei ala mo ti kemeraairaaalu, betą félitóro sukąletei ą momó kae sukąalomeipó. Atéro mió ą betereiteia, Kótóné ala eraairaaalu, beterapó.

¹¹Ą atétu yale kaae, dowi alané dią tẹteróló kaae tawaletei, mo ti kemeróló diąkélé sukóo, Yesu Keriso tuąmó bituraaalu, Kótótamo mo betąmó betóo, erapóló kutirimó muló betae. ¹²Térapa, diaaọ mo tó tikiné ekẹleyóló yae dere ala sya furaalu, du betere dowi alané dią tẹteróló kaae tawaqsóro yae. ¹³Diaaọ hó naase, ó tiki fea, tó tikiné ekẹleyóló du betere dowi alapaae mulaqse. Ti diąta, mo sukąle whıtei momó kepaayóló beterapa, betą whinė ama fosói tọ ó sepake me whinė kutó diyópoló mótu dere kaae, Kótóné ama eraai kisipa

mole donoi ala wisinaale erǒpóló, diaaǒ hó naase, ó tikikélé mo turó Kótópaae melae. ¹⁴Ti mióta, diǒ kale tukóló muló betere foné tǔteróló kaae tare aǒmó bitini, Kótóné haǒle hamokoróló tao sere alané tǔteróló kaae tare aǒmó beterapó. Téreteiné dowi alané diǒ momó kae tǔteróló kaae tanénipó.

**Take dowi alané wae sóró betteretei, mió donoi
alané kutó diratere whǐ betterapó**

¹⁵Térapa, mió ǒané noa fo yaaloé? ǒaǒa, kale tukóló muló betere foné kaae tare aǒmó bitini, Kótóné hamokoróló haǒle tao sere alané kaae tare aǒmó betterapa, dowi alatóró deté fu betaalopó fo enére? Mo meipó. ¹⁶Ya me tǔteróló kaae tare whǐ betterepaae fóló, ama dirae dere kutó naao dirótu betepa, ti ya ai whǐné wae sóró kutó diratere whǐ betterapóló kisipa muae. Yaǒamo dowi alané wae sóró kutó diratere whǐ betepa, ti ai alatóró deté fóló, sukutere alapaae sókó faalopó. Yaǒamo Talené fo aǒmó bitu, ai mo ala wisi sya fóló erótu betepa, ti donoi ala dere whǐ betaalopó. ¹⁷Take diǒ dowi alané tǔteróló kaae tapa, ai dowi alané kutó deratere so whǐ betalepó. Atépa, diǒpaae kale fo wisi yó móturaalu, i fonéta diǒ kaae tawaalopa, aǒmó betae yóló yó maletai diǒné wosalepó. Ai fo wisi diaaǒ hosaa tuǒmó muló bitu, ketekǔ buóló erótu bettereteimó yaǒo Kótópaae mo kée enérápó. ¹⁸Taketa, diǒ dowi alané dokóló muló betteretei, teraae faróló mió donoi alané wae sóró kutó diratere so whǐ ai betere ape.

¹⁹Diǒ mo i hae whǐ bituraalu, yaǒo i yó mótu betere mo bete mole fo wisi diǒ diriyóló tuǔ yaaire sǔnireteiné kisipa yaasepóló, mo whǐné dere alapaae dó faróló i dapa wosae. Taketa, diǒné hó naase dowi alapaae mulóló, ai alané wae sóró kutó diratere so whǐ bitu, dowi alatóró mo ti fakeraté fu betalepó. Atétu yale kaae, mió diǒné hó naase ó tiki fea Kótópaae haǒle menóló, ama donoi alané wae sóró kutó diratere so whǐ betae. Atétepa, ti Kótóné mo kae so whǐ betteraté fenérápó. ²⁰Take diǒ dowi alané wae sóró kutó dirótu betale sukamó, donoi alané tǔteróló kaae tare tuǒmó bitipó. ²¹Mió i betere alimó haleturaalu, take diǒné du betale ala kisipa fatepa, take yale ala tuǒmó me noa wisi alakó bupa kelere? Take ai deté wale alané duputa, ti sukutere ala kaaró ai betere ape. ²²Taketa, dowi alané diǒ dokóló muló betteretei teraae faróló, mió Kótóné ama kutó dirǒpóló wae sóró betteró betere so whǐ betterapó. Atéro Kótóné ama kae ere wisi ala tuǒmó bitiré fole duta, mo ti betó tawaaire bete sóró betaalopó. ²³Ti noatepae, dowi alané ama kutó diratere so whǐpaae matere duputa, sukutere alapó. Tépateti, ǒa tǔteróló kaae tare whǐ Yesu Keriso tuǒmó betepa, Kótóné mo ti betó tawaaire bete hamokoróló haǒle mótu betterapó.

So whǐtamo dokóló betere alapaae dó faróló dere fo

7 ¹Norape-ó, yaǒo i dere fota, Kótóné tukóló muló betere fo kisipare whǐrapepaae dapó. Whǐ sukuni betepa, ti kale tukóló muló betere

foné t̄eteróló kaae tare aq̄mó beteraḡó ere fo diaaḡ kisiparaḡó. ²Betaḡ s̄uróló dere fo i ape. Wh̄iné dokore so ama oma sukuni haḡe betepa, me wh̄itamó dokaairetei fo mulapó. Ama omatamo sukóló wulia betereḡó, me wh̄iné dokotepa ti fo munipó. ³Wh̄iné dokore sotamo oma betepatei taaróló wh̄i me kaetamo fupa, so wh̄i feané ai so nópu nukulapó dua dapó. Téḡatei, oma suk̄it̄ikimó wulia me wh̄itamó dokotepa, ti nópu nokole sopó enénipó. Ti noatēḡae, wh̄iné dokore ala kemeyaleḡó.

⁴Téḡapa norape-ó, soró wh̄itamó dokotereḡaeé dó faróló yale fo bete i ape. Daḡ Yesu Keriso tuḡmó betepa, ḡ mo ti dóló sukunóturaalu, daḡkélé ḡtamó sukḡleḡó. Ti aita haḡe meipó. Folosóró kale tukóló muló betere foné dokaitei mo ti kemeróló, sukóló momó kepaayóló betere wh̄iné daḡ dokóló, ni du wisi oletu dere kaae, daḡ tuḡmó wisi ala epa kilituraalu, Kótóné ama doi doasi mulóḡpóló erapó. ⁵Take daḡ tó tikiné t̄eteróló kaae tawale alimó, kale tukóló muló betere fonéḡe tó tikiné ek̄eḡeḡere ala mo ti fakeyóḡpóló, sesemeraleḡó. Atéró sesemeratepa du betale alané daḡ tuḡḡae olerale duta, ti sukutere alapó. ⁶Take tukóló muló betere foné daḡ dokóló bitu, Talené ala eróturaalu, kale aḡeyóló muló betere fo maaté sya fóló erótu betaleḡó. Take até dua yale alata, daḡ sukuturaalu mo ti kemeraleḡó. Mió kisi alata, ti Deḡi Kepe Wisiné daḡ fotokḡ bulatepa, Talené ama ala erótu beteraḡó.

Dowi alané daḡ só deraai wóputu betere ala

⁷Téḡapa, mió dané noa fo yaaloé? Kale tukóló muló betere fo-a, dowi alapó enéḡe? Mo meipó. Ai tukóló muló betere foné eḡḡae dowi ala i ape yóló yó melóluḡmeisóró, ti dowi ala kisipa uḡmeipó. Ti tukóló muló betere foné mené ḡla senéé yóló au naḡse fo uḡmeisóró, ti au nokoleḡeḡe dowi alapóló tuḡ muḡmeipó. ⁸Ti ai tukóló muló betere foné t̄e mulatepa, dowi ala e tuḡḡae sókó wóló, kae kae wisi wisi ḡla senéé yóló au nokole ala kaaraleḡó. Ai fo sókó waaipa, ti dowi ala sukóló mulu, so wh̄iḡḡae me ala eraaire fotokḡ mo bunipó. ⁹Kale tukóló muló betere fo sókó waaipa, e mo betereḡó. Téḡatei, kale yaḡse yóló muló betere fo sókó wóló, dowi ala sukóló mupatei, kepaaróló beteraḡeḡiné e dóló sukunaleḡó. ¹⁰Kale yaḡse yóló muló betere foné mo ti betere bete melaalo nisi yalemó, sukutere alatei eḡḡae eraleḡó. ¹¹Kale yaḡse yóló muló betere foné mulale t̄emó dowi ala e tuḡḡae sókó wóló, fotei dowi alané nóḡulu kaae tao sóró e dilikóló dolóló sukunaleḡó. ¹²Atérené kale tukóló muló betere fota, me dowi alatamo hoseké ini yóo, kale yaḡse ó yae ere fokélé doni, mo donoi ala wisipóló Kótóné ama kae tukóló mulóo erapó.

¹³Ti kale tukóló muló betere fo wisi-a, sukutere ala alée fóló e dóló sukunaleé? Mo meipó. Ténitei, dowi ala yaḡo tuḡ yóḡpóló, dowi alané kale wisi tao sóró, e tuḡmó sukutere ala kaaraleḡó. Atétu dowi alata, mo dowi ḡlapóló so wh̄iné kisipa yóḡpóló, kale yaḡse yóló muló betere foné haḡearatapó.

¹⁴Kale tukóló muló betere fota, Kótó a mo kepetóro bituraalu, amatei tukóló muló beterapóló, ðané kisiparapó. Tépatei, e mo hae whi bettereiné dowi alané wae sóro kutó diratere whi i betero betere ape. ¹⁵Yalo du betere ala yalotei kisipanipó. Ti noatepae, enére wisi alamo yalo dumi, yaalo hore alatei hoko du beterapó. ¹⁶Ti yaalo hore ala yalo du bettereiné kale tukóló muló betere fo kolósu, yalo du betere ala kolósu depa, mo wisirapóló kisipa mutapó. ¹⁷Ti ai alata, yalotei kekeme nóló dumi, dowi ala e tuamó moletiné du beterapó. ¹⁸Atéru, wisi ala mo betakélé e tuamó munipóló kisipa mutapó. Wisi ala e tuamó munipó dere fota, yalo mo tó tikimó wisi ala munipóló dapó. Ti noatepae, yalo kisipané wisi ala enépatei, yaaire mo sunipó. ¹⁹Yalo yaai kisipa mole wisi alamó dumi, yaalo hore dowi alatei yalo hale yó tarapó. ²⁰Téturaalu, yaalo hore alatei du betepa, ti yalo kekeme nóló dumi, e tuamó mole dowi alané du beterapó.

²¹Ti yalo du betere ala tuamó i ala epa kolóló kisiparapó. Yalo wisi ala yaai kisipa mutere sukamó, dowi alakélé e tuamó mupa kelerapó. ²²Ti noatepae, Kótóné tukóló muló betere fo kilituraalu, yalo tué tiki tuamó mo kée yóló hekesetu beterapó. ²³Atépatei, yalo hó naase, tiki tuamó dowi alané ama kisipa mole ala erótu betepa kelerapó. Ai alané yalo tué tiki tuamó donoi alatamo bóe du beterapó. Atéturaalu, yalo hó naase, tiki tuamó yó tare dowi alané e dokóló *dipula* kaae, betero beterapó. ²⁴Yalo tikita, dowi alané i turukée fole ape! Yalo mo tó tikiné e sukutere alapaae sýóló só foletai, né tao saaloé? ²⁵Ti ða teteróló kaae tare whi Yesu Keriso tuamó bitu, Kótóné epaae erótu betere alamó mo kée du beterapó.

Atétu betepatei, yalo tué tiki tuamó ti e Kótóné tukóló muló betere foné wae sóro kutó diratere whi betóo, tó tikita ti yalo yó tare dowi alané wae sóro kutó diratere whi betóo erapó.

Dei Kepe Wisiné mo ti betere bete mótu beterapó

8 ¹Térapa, mió Yesu Keriso tuamó betere so whi Kótóné fo tokóló só deratere ala mo yaalomeipó. ²Ti noatepae, dowi alaró sukutere alatamo fotokóné e dokó muló beterepó. Atéretei, Yesu Keriso tuamó betepa, mo ti betere bete matere Dei Kepe Wisi fotokóné e teraae faróló, hale beteralepó. ³Ti noatepae, kale tukóló muló betere foné ða tao saai yaletai, mo tó tikiné dere ala tuamó bettereiné tao saaire sunipó. Atépa, Kótóné ama naalematóro dowi ala du betale whi aqyóló sukópóló doteyalepó. Aita hale mei, so whiné yale dowi alamó melaai yale kwia tokóló aluraai yalepó. A atéro sukuturaalu, tó tikimó mole dowi ala ama só deróo, ai dowi alamó melaai yale kwiakélé ama tikimótei sóro aluróo yalepó. ⁴Atéro só deraletai hale meipó. Tó tikiné yae dere ala sya feni, Dei Kepe Wisiné yae dere ala sya fu betere so whi ða tuapaae kale tukóló muló betere foné eraai du betale donoi ala eróló mo surópóló yalepó. Ai

ala eró betere so whi ɗaɗa, ti ɗané tó tikiné yae dere ala dumi, Ɖei Kepe Wisiné yae dere alatóro du beteraɓó.

⁵Tó tikiné yae dere alatóro sya fu betere so whi atimané kisipa tikikélé, ti tó tikiné hekesere alapaetóro muló beteraɓó. Tépatéi, Ɖei Kepe Wisiné yae dere ala du betere so whi atimané tuɛ tikikélé, ti Ɖei Kepené yaai hekesere alapaetóro muló beteraɓó. ⁶Tó tikiné yaaitere ala maaté kisipa mutu betere so whiɗa, sukutere ala tuamó beteraɓó. Tépatéi, Ɖei Kepe Wisiné yae dere ala tuɛ mutu betere so whi ti Kótótamo bóe fióló mo ti betere bete sóro hosaa muni deyóló mo dua beteraɓó. ⁷Ti noatepae, tó tikiné ekɛlere ala yaai kisipa mutu betepa, ti Kótótamo bóe du beteraɓó. Atétere alané Kótóné tukóló muló betere fo aomó bitini yóo, ai fo eraaire fotokokélé buni yóo, erapó. ⁸Tó tikiné yae dere ala sya fu betere so whiɗé Kótó hekesere yaaire ala mo eranénipó.

⁹Tépatéi, Kótóné Ɖei Kepe Wisi ɗiɗ tuamó betepa, tó tikiné yae dere ala sya fóló ini, Ɖei Kepe Wisiné yae dere ala sya fóló du beteraɓó. Mepaae whi de tuamó Yesu Kerisoné Ɖei Kepe Wisi bitinipa, ti Yesu Kerisoné so whi meipó. ¹⁰Naa mo tikita, dowi alané dóló sukunóo, naa kepe beteta, ti Kótóné donorate alané kepaaróló beteroó, erapó. ¹¹Yesu Keriso kepaaróló beteraale sekéné melale Ɖei Kepe Wisi ɗiɗ tuamó betepa, Kótóné Naalema kepaarótu yale kaae, ai Kepepaae ɗiɗ kepaaróló beterae depa, diaaɓ mo tó tikikélé kepaaróló, mo ti beteroɓóló yaalopó.

¹²Térapa norape-ó, Kótóné ɗa tao sóro eró betere wisi alamó ɗanémo aɓaae tokó melaaire kwia mulapó. Atéreteiné ɗané tó tikiné ekɛlere alané noa alakó ɗaɓaae eró betepa, ɗanémo ama erae dere ala sya fóló eraaloé? Até mo enénipó. ¹³Ti noatepae, tó tikiné yae dere ala sya fupa, ti ɗiɗ mo sukaalopó. Tépatéi, Ɖei Kepe Wisi fotokóné ɗiɗ tao supa, ti ɗiɗané tó tikiné yaaire dowi ala diaaɓ doló sukunatepa, ti ɗiɗ mo betaalopó. ¹⁴Ti noatepae, Kótóné Ɖei Kepe Wisiné aɓisóro fu betere so whiɗa, ti Kótóné ama naale senaaletóro beteraɓó. ¹⁵Ti ɗiɗ matepa sale Kepeta, momó wae sóro kutó diratere whi beteroóló, wiratere Kepe meni, Kótóné ama naale senaaletóro aleróló beteroótu betere Kepe matepa salepó. Ai Kepe Wisiné ɗa tao sóro i fo yae depa, ɗané fo fakeyóló, “Apa-ó! Aya-ó!” du beteraɓó. ¹⁶Ai Ɖei Kepe Wisi ɗané kepetamo touyóló betamó bitu, ɗaɗa Kótóné ama naale senaaletóro beteraɓó du beteraɓó. ¹⁷Mió ɗaɗtamo ama naale senaale betepa, ti Kótóné ama eraalopó ere ala wisi dokonóturaalu, Yesu Kerisopaae materetei ɗakélé saalopó. Take Kótóné ama kae ere ɗe wisinaale tuamó ɗakélé Yesu Kerisotamo betamó beteroɓóló, a sekei ala su yale kaae, mió ɗakélé sekei ala siré fu beteraɓó.

Kótóné ere ɗe wisinaale tuamó betaalopóló haɗtu betere ala

¹⁸Kótóné mo kae ere ala wisinaale ɗa tuapaae haɗkearóló, eratere ala kelaai ɗapóló kisipa mutu, mió ɗaɓaae i erótu betere sekei ala mo sawa

ɔla alerótu beteraɔpó. ¹⁹Aleyóló muló betere ɔla ɔla feané Kótóné ama naale senaale i ape yóló haɔkearaterere kelaai dapóló, haɔtamo bitu, kele kele du beteraɔpó. ²⁰Kótóné aleóló muló betere ɔla ɔla fea fomaakei ala tuamó beteralepó. Ai alata, atima kisipanétei ini, ai ala tuamó beterale sekéné ama kisipa mole ala sya fóló erapó. ²¹Atéru, Kótóné aleyóló muló betere ɔla ɔla fea doróló aluraai mió dokóló mulapó. Atéretei, take Kótóné ama naale senaale dokoretei teraayóló ama kae ere deɔ tuamó feléyóló betere ala atimakélé saalopóló kisipa mutu, haɔtamo kaae tawóló beteraɔpó.

²²Kótóné aleyóló muló betere ɔla ɔla fea touyóló so naale saai sisó nóló kaketu dere kaae, take keké nale alimó kaae sóró deté waletai, mió i betere alimókélé kaketerere ala haɔle yó taretei dané kisiparapó. ²³Ama aleyóló muló betere mo ɔla maaté mei, daɔ tuamókélé, Deɔi Kepe Wisi betereiteiné dele doasi sóró kaketu beteraɔpó. Ti aita haɔle mei, Deɔi Kepe Wisita folosóro ɔlumétere ɔla iki nukutere kaae erapó. Atéreteiné daɔ Kótóné naale senaale aleróló dape saaire be deɔ hapale analée yóló kaae taté fu beteraɔpó. Ai be deɔmó Talené daɔ dupu yaletiné i daale tiki taaróló, kae tiki wisi saalopóló haɔi tamo kaketu beteraɔpó. ²⁴Ti Kótóné ama daɔ tao sóró wisiróló betero betere beteta, take nalopaae eraaire wisi ala kelaalopóló kisipa mutu, heɔketamo kaae taté fu beteroɔpóló tao salepó. Atépatei, mepaae whiné wisi alatamo kelené kolóló tuɔpa, ti ai ala ama sóró tareiteiné kelenée dere fo momó kae enénipó. ²⁵Tépatei, mepaae ala mió dané sóró tani, take nalo saalopóló kisipa mutu, kaae taté fu betere ala hōni, haɔle bitiré fu betaalopó.

²⁶Atétu betere kaae, moma yaaire fotokɔ buni béruraalu, dané hosaa tuamó ere ala kolóné enénipa Deɔi Kepe Wisiné daɔ tao suraalu, aɔkélé deletamo ketekɔ buóló, Kótópaae momarótu beteraɔpó. ²⁷Atétu betepa, dané hosaa tuamó ere ala taletu betere Kótóné Deɔi Kepe Wisiné mole kisipakélé kolóló mo tuɔrapó. Ti noatepae, kale Deɔi Kepe Wisiné Kótóné yaai kisipa mole alatóro sya furaalu, ama kae betero betere so whi tao sóró Talepaae momarótu beteraɔpó.

Kae kae sekei alané daɔ doraɔsóro, Kótóné fotokóné teɔteró beteraɔpó

²⁸Ti noatepae, Kótópaae yaala sókó fu betere so whipaae kae kae ala erótu betere tuamó Kótóné atima tao saai wisi ala erótu betereitei dané kisiparapó. Ti ai so whiɔta, ama kisipa mole ala eraai aɔ beterepaae ape yalepó. ²⁹Ti noatepae, mo taketitei ama kisipare so whiɔta, Naalema biture kaaetóro beteroɔpóló, amatei atima wisiraté faai dapóló, tukóló mulélipakalepó. Atéreteita haɔle mei, ama ne nomarape kuamó aɔ topo naale beteroɔpóló erapó. ³⁰Mo taketitei ama kisipané aɔ beterepaae woɔpóló yóló sóró beterale so whiɔtóro aɔ beterepaae ape yalepó. Atéyale so whipaae me alakélé muni, mo donoi so whipóló beteralepó. Atéro sóró

beterale so whi tuapaae ti ama kae ere de wisinaale eróló mo ti suró beterapó.

³¹Atérapa, ama ai eró betere doasi alamó, mió dané noa fo yaaloé? Ti Kótó ata, dapaae me ala eraşsóro tao sere seké betera, né datamo bóe dóló só deraaloé? ³²Kótóné ama naalema mepaae whiné daşsóro sesé dere ala ini, da fea tao saairaalu, apaae eraaire ala erópóló, atimané naase tuamó mulalepó. Da tao suraalu ama naalema melale kaae, dané mepaae yayatere alakélé ama hamokoróló tao sóro ha le melaalomeipóló kisipa mute? Meipó. Ama mo melaalopó. ³³Kótóné ama so whipóló sókó sóro kae betero betereitei, né atimatamo fo tokóló só derané? Ti Kótónétóro mo donoi so whipó du beterapó. ³⁴Ti atimata, me alakélé muni, mo donoi so whipóló Kótónéitei sóro betero betera, né só deraaloé? Yesu Keriso a mo ti sukaleitei, Kótóné momó kepaaróló fea ala tetéroló betere tiki, ama turu naase demó beteralepó. Aimó bituraalu, da só deratere ala yaşsóro, tao saaire fo Alima Kótópaae du beterapó. ³⁵Yesu Kerisoné dapaae yaala sókó furaalu, eratere wisi ala mo eraşsóro, né sesénére? Me sekei alané ó hosaa tuamó mole sekei alané ó Yesuné doimó betepa sere susupui alané ó ıla sóku alutere alimó wote dere alané ó kuti meiyóló tiki ha le betere alané ó mepaae da dóló sukunatere kae kae ıla ılané ó whi mo ti dóló sukunatere alanékélé sesénénipó. Mo meipó. ³⁶I fo kaae aşmókélé erapó.

“Tale-ó, da naao ala erótu betere, dapaae diá daalopó dere fo betere dokó fea ha le yó tarapó.

Ti da, *sipsip* hupurape daai halikané kaae duló beterapóló,” erapó.

³⁷Ai dosayale alarapéné da mo ti doratere ala enénipó. Mo bóe dóló be torokó falatu dere kaae, ai alarape dané tetéroló teraae faaire alata, dapaae yaala sókó furaalu wisi ala erale whi Yesu Kerisoné yale ala tuamó bitu, ti mo şumó enérapó. ³⁸⁻³⁹Ya lo i dere fota, mo dapóló tué tiki tiraaire fopa wosae. Sukutere alané ó betere alanékélé, *ensel*-rapené ó dowi keperapénékélé, mió i betere alimó du betere alané ó take waaire alimó yaaire alanékélé, kae kae fotokó bole keperapéné ó şa taoró betere ılarapénékélé, mo apaae derepale dolomó betó mole ılaró Kótóné aleóló muló betere ıla ıla featamoné, Kótóné ama yaala sókó fale ala, da tetéroló kaae tare whi Yesu Keriso tuapaae tepeyóló, amamo dapaae yaala sókó furaalu, wisi ala mo eraşsóro, ai dosayale alarapéné seséyaaire mo şunipó.

Kótóné ama mole kisipatóro şya fóló dere ala

9 ¹⁻²Ya lo i dere fota kapala mei, e Yesu Keriso tuamó bitu, mo dapó. E dekené sukuturaalu, ya lo hosaa tuamó delei ala ha le yó tareitei, De Kepe Wisiné kolóló mo dapó du beterapó. ³Ya lo no nerape Israel fake so

whi atima e betere kaae wisiyóló beteropóló tao suraalu, e Yesu Kerisotamo betamó betere ala tekeyóló kae beteratepa ti wisirapóló kisipa mutapó.

⁴Ti ai Israel fake so whi Kótóné dape sóró ama naale senaale beteroó, ama kae ere ala wisinaale atimané kolópóló yó melóo, Kótóné ama so whipóló atimatamo mo dirii fo dokóló mulaté wóo, ama tukóló muló betere fokélé atimapaee melóo, momatere bemó Talené doimó mepaae alarape erótu betae yóo, ama wisi ala atimapaee mo eraalopóló, yóló mulaté wóo erapó.

⁵Ti atimata, Israel fake kaarale whirapené deté wale so whipó. Ai fake sonéta, so whi tetéroló kaae tawaaire whi Yesu Keriso mo whi tiki daai dealepó. Ti Yesu ata, fea ala fea tetéroló kaae tare Kótó beterapa, ama mole doi wisinaale mo ti muó tanópóló, sóró horótu betae. Mo kée! Téyópóló yae.

⁶Kótóné atimapaee i ala eraalopó ere fo hasókó felepóló kisipa mute? Mo meipó. Ti noatepae, kale whi Israel-né deyale naalerape fea betó moletei, atima Israel faketóro bitinipó. ⁷Abraham-né deale naale senaale betó moletei, fea ama doi mole naale senaaletóro bitini, mepaae ti ama doi munire naale senaale beterapó. Ašemó i fo mulapó. Kótóné Abraham-paae duraalu,

“Aisak-né deyaaire naale senaale maaté ti mo naao naale senaale ai ape,” erapó.

⁸Ai ere fo bete i ape. Abraham-né ama naale tamo dealetei, mo whiné naale senaale detere ala sya fóló deale naaleta, ti ama naale meipó. Kótóné Abraham-paae eraalopó yale fo dokonóturaalu deale naaleta, ti Kótóné ama doi mole naale senaalepó erapó. ⁹Ti Kótóné ama mo eraalopó yóló mulale fo i ape.

“E momó fesaae wouraaluta, mió yalo i tukóló mulatere be demótóro Sera a naale mo sóró betepa kelaalopó,” fo ipakalepó.

¹⁰Ai maaté mei, Rebekanékélé dané noutere Aisak-tamo betá be demó naale tamo deipakalepó. ¹¹⁻¹²Ai kale naale tamo betá be demó deyaaipatei, atimaamoné me wisi ala ó dowi ala initei, Kótóné ama mole kisipa sya furaalu, sókó su yóló kae beteraaire ala mo ti muó tanópóló, kale sopaae i fo ipakalepó.

“Naao topo naaleta, deke naalené kutó diratere whi betaalo ai ape,” Ti Kótóné ama so whipóló sóró beteratere alata, whiné dere ala kolóló dumitei, Talené ama kisipa mole alatóro sya fóló dua dapó. ¹³Ai fo kaaetóro aşemókélé erapó.

“Yalo hosaa mo turó Jekop-paae muluraalu, Iso yalo hekeseni hórlepó.”

¹⁴Atérapa, mió dané noa fo yaaloé? Kótó ata, whiné du betere ala donoyóló tale dumi, hoko taletere Kótópóló kisipa mute? Mo meipó. ¹⁵Ti Kótóné Moses-paae i fo erapó.

“Yalo tao saai kisipa mole whitóro kleturaalu tao saalopó. Ti kletere alata, yalo kisipa mole whipaetóro dua dapó,”

16 Ti Kótóné tao sóró erótu betere alata, whiné mole kisipa ó ketekę buóló ditere kutó kilituraalu dumitei, Kótó ą tuámó ere kọletere alané tao sóró erótua dapó. 17 Kale asęyóló mole Kótóné fo tuámó topo whi Feropaae i fo erapó.

“Naa du betere ala tuámó yąlo bole fotokę hąkearatepa, i hae kwiamó betó mole so whi feané kolóló, yąlo doi sóró horópoló, Isip hae naao tęteróló kaae tawae yóló yą topo whi sóró beteró beterapó,” erapó.

18 Ti Kótóné ama kọleaané kọleturaalu tao sere whi tao sóo, mepaae so whi hosaa tąróló dowąae fole ala eraai depa, ti mo dowąae falóo, du beterapó.

19 Diąkó betą whiné ępaae etei kaae fo enérápó. “Ai fotamo mo epa, Kótóné ąané yale dowi alamó ąá só deratere ala, noatepa du betere? Ti atétepa ama kisipa mole ala yaósóró, mené sesé yaairetei mo sųnipó,” 20 Ti yą noa kaae whi bitu, Kótópaae bi kąaterere fo dute? Kale doka haenétei wuti aletu betere whipaae “Naa noatepa ę etéró họko aleyaleé?” fo enére? 21 Kale wuti aleterere whiné ama betą hae bula kąayóló mo ọla deyaaire wuti aleyóo, mepaae hąle họko ọla deyaairetei aleyóo dua dapó. Ti ama ọla ereteiné ama kisipané alenére ọlatóró sųmó alenérápó.

22 Atétere kaae, Kótó ą fopaae buturaalu ama doraai taketi bukóló kae beterale so whi kwia melaai kisipa mualepó. ą atéró fopaae butu, kwia matere alaró fotokótamo so whi feané kolópoló hapale hąkearóló ini, dua kaae taté fu betere alamó ąané noa fo yaaloé? 23 Aita hąle mei, Kótóné ama kae ere dę wisinaale tuámó ąane wisi wisi ala ama kọletu tao saaire so whiné tuę yópoló ere alamó ąané noa fo yaaloé? Ai so whița, Kótóné ama kae ere dę tuámó beterópoló, taketi tukóló muló beterapó. 24 Atére so whița me kae mei, ąatórótípó. Ti ąá Juda fake maaté ą beterepaae ape ini, Juda meire fake so whi kélé ą beterepaae ape erapó. 25 Yąlo i dere fo kaae, Hosea *buk-mókélé* Kótóné ama i fo erapó.

“Mepaae yąlo so whi mei, kae fake so whipaae yąlo so whipó yóo, take hosaa muni yale sopaaetei yąlo hosaa mole sopó yóo, yaalo ai ape.”

26 Atére kaae,

“Atima yąlo so whi meipó yale tikimótei ąá mo ti betere Kótóné naale senaalepó yaalo ai ape.”

27 Aisaiané Israel so whimó kisipa mutu, fo fakeyóló i fo erapó.

“Israel fake so whi mo hąle ọla kaae betó mupatei, betą betą so whi ti aluyaósóró tao saalo ai ape.

28 Ti noatepae, Talené i haemó betó mole so whiné yale dowi alamó kwia melaairetei hąsókó feni, hapale tétitóró mo turó melaalo ai ape.”

²⁹Ti i bope yale ala Israel so whiḭpaae eraai teópatei, mo take Aisaianékélé aseyóló muló beteraḭpó.

“Hepen bemó betó mole bóe dele *ensel*-rape teḭteróló kaae tare Talené daḭ tao sóró, ama naale senaale beteruḭḭameisóró, ti daḭ Sodom beró Komora betamo doróló wópu mulótu yale kaae uapó,” erapó.

Israel fake so whiḭ Talepaae kisipa tirénire ala

³⁰Atérapa, mió daḭné noa fo yaaloé? Juda meire fake so whiḭ atimapaee Kótóné mo donoi so whiḭpó yópóló, me wisi alakélé initei, Kótópaae betá kisipa tiki tiratere ala kilituraalu, mo donoi so whiḭpó erapó. ³¹Téyaletei, Israel fake so whiḭné kale tukóló muló betere foné erae dere ala eratepa kilitu, mo donoi so whiḭpó yópóló, ketekeḭ buóló du betaletei, donoi so whiḭpó yaaire daḭlemó sókó fenipó. ³²Ti noatepae, atima tuḭ tiki tiratere ala ini, kale tukóló muló betere fo sya fupa saalopóló kisipa mutu wóputu betaleteiné sini ipakalepó. Ti atimatei kale kotóo sóró dée nalatere kane fakemó kotóo sóró dée nukua yalepó. ³³Ti atima ai ere alata, i ašemó mole fo kaaetóro erapó.

“Kotóo sóró dée nalatere kane fake Saion haemó yaḭotei i mulatapa kela. Ai kane fakemó so whiḭ kotóo sóró dée nukua yaalopó.

Mepaae so whiḭ dené ai seképaee kisipa tiki tiratapa, ti atétere so whiḭ hale dere alakélé mo yaalomeipó,” erapó.

10 ¹No nerape-ó, Israel fake so whiḭ aluyaqsóró yaḭo hosaamó suraalu, Kótóné tao sópóló momarótu beteraḭpó. ²Ti noatepae, atima Kótóné ala eraai ketekeḭ boletei yaḭo kelené diriyóló kolóló mo kisiparapó. Tépateti, ai bole ketekeḭta, ama fo bete wosóló diriyóló tuḭ iru meitei haḭle du beteraḭpó. ³Ti noatepae, Kótóné haḭle matere donoi ala atima tuḭniru, atima dere wisi alamó Kótóné mo donoi so whiḭpó yópóló kisipa mutu, wóputu betalepó. Téturaalu, Kótóné donoi so whiḭpóló beteruḭtu betere aqmó sukóló bitini, dowḭae fu betalepó. ⁴Ti kale tukóló muló betere foné eraai yale ala fea mo dokonóló, Yesu Kerisoné amatóro eróló kemeralepó. Atére alata, mepaae so whiḭ de apaae kisipa tiki tiratapa, Kótóné me alakélé muni, mo donoi so whiḭpó yópóló erapó.

⁵Kótóné mo donoi ala dere so whiḭpó yópóló, kale tukóló muló betere fo eruḭtu betereḭmó Moses-né i fo erapó.

“Me whiḭnétamó kale tukóló muló betere fo sya fu betepa, ti ai foné erae dere ala fea hotowaró sya fóló eruḭtu beteruḭpóló yae,” erapó.

⁶Tépateti, tuḭ tiki tiratere so whiḭpaae me alakélé muni, mo donoi so whiḭpó dere fo i ape. “Diaaq hosaa tuḭámó etei kaae kisipa muaqsé. ‘Demaaté hepen-paae faaloé?’ ” dere fota, Yesu Keriso i haemó beteruḭpóló dapesó dorowonére? ⁷Me fo i ape. “Demaaté mo apaae derepaaloé?” dere fota, Yesu Keriso sukóló moletei i haemó beteruḭpóló, mé whiḭ hae dolopaae doropóló dapesó honére? ⁸Até enénipa, Kótóné noa fo aseyóló

muló betere? “Kale mo fo ya betere tikimó ai mole ape. Ai fota, naao kólómókélé buóo, naao hosaa tuámókélé muóo, ai ere ape.” Ti ai fota, me kae mei, dañé diápaae Yesu Kerisopaae kisipa tiki tiróló betae yóló yó mótu betere fotórótípó. ⁹Ti ai bete mole fo i ape. Mepaae whípaae naao kólónétei, “Yesu áta, dā tēteróló kaae tare Talepó,” yóo, a mo ti sukāletei Kótóné momó kepaaró beterapóló kisipa tiki tiróo depa, ti so whi aluyaqsóro ama tao saalopó. ¹⁰Ti noatepae, naao hosaa tuámó ápaae kisipa tiki tiróo, me alakélé muni, mo donoi whípó yóo, naao kólónékélé a etei kaae Tale beterapó dere fo wosetu, ama ya aluyaqsóro tao sóo yaalo ai ape. ¹¹Ai dere fo kaaetóro ašemókélé erapó.

“Mepaae whi de ápaae tué tiki tiró betepa, atére whi haleróló só deraalomeipó.”

¹²Ti noatepae, Juda fake so whikélé, Juda meire fake so whikélé, tēteróló kaae tare Tale mo betātóro bitu, me fake tao suraalu me fakemo sisópaae erótumipó. Mepaae so whiné ápaae Tale-ó, e tao sae depa, ti wisi ala fáane Talené hamokoróló tao sóro wisi eraalo ai ape. ¹³Ti noatapae,

“Mepaae so whi dené áta, etei kaae Tale beterapóló kisipa mutu, ‘Tale-ó, e tao sae,’ depa, ti atétere so whi mo fea aluyaqsóro ama tao saalopó.”

¹⁴Mepaae so whi atima kisipa tiró bitinire Talepaae Tale-ó, e tao sae fo netéro yaaloé? Me whiné áta, etei kaae Tale beterapóló yó matere fo wosenitepa, ápaae nétéro kisipa tiki tiraaloé? Ai fo wisi yó matere whi meitepa, ti atima nétéro wosaaloé? ¹⁵Kale fo wisi yó melale fópóló mené dotonéni depa, ti atimanémo ai fo netéro yó melaaloé? Ai fo kaaetóro ašemó erapó.

“Kale fo wisi yó maté kotere whirape dore tikikélé hōni, koteretei kilitu mo kokōné sukutapó.”

¹⁶Tépatei, mepaae Israel fake so whiné kale fo wisi wosóta dua yaletei, ai fo aqomó sukóló bitinipó. Ti Aisaiané i fo aseyóló muló beterapó.

“Tale-ó, dañé yó male fo némaaté wosóló tué tiki tiraléé?” erapó.

¹⁷Atépatei, kale fo wisi yó matepa wosetere alané ti tué tiki tiratere ala kaaratapó. Ai fo wisita, Yesu Kerisoné me whípaae yó melae dere fotóro yó matepa so whi feané wosenérapó. ¹⁸Tépatei, yaalo diápaae wosetere fo i ape. Ai yó male fo atimané wosenié? Mei, mo wosipakalepó. I ere fo kisipa muae.

“Ai kale fo hae kwiamó betó mole so whi feané wosópóló deté kwęalepó.

Ai fo wosóló, atimanémo i hae kwia feamó betere so whípaae yó maté kwęóló mo sųralepó,” erapó.

¹⁹Kale yale kaae diápaae momó wosetere fo i ape. Israel fake so whiné kale fo wisi wosóló kisipa inié? Folosóro Moses-né ašemó Kótóné i fo erapó.

“Mo doi munire so whiṗaaetei yaḷo wisi ala eratepa kilituraalu, daṗaae eróluḷa alatei atimapaee eratapólo diaaḷo dei tuḷ muaalo ai ape.

Diḷ fopaae buḷpólo, yaḷo fo tuḷnire so whiṗaae wisi ala eraalopó,” erapó.

²⁰Aisaia ḷ halaaíné daalu i fo erapó.

“Ḷ kelaai kekenitere so whiṗnétei ḷ kolólo tuḷ yalepó.

Ḷ kisipa yaaitapólo yó ḷlae fo ini yale so whiṗaaetei ḷ etei kaae Kótó beteraḷólo yó malepó,”

²¹Tépaitei, Kótóné Israel fake so whiṗmó kisipa mutu, ama i fo erapó.

“Betere dokḷ fea atima yaḷo dere fo wosólo aḷmó bitini, dowḷaae fu betere so whi yaḷo dape saairaalu, naase bukó tapatei, atimané yaḷo dere fo woseni, mo ti dowḷaae fu beteraḷólo,” erapó.

Kótóné mepaae toróti Israel fake so whi kḷeyalepó

11 ¹Atérapa, yaḷo diṗaae wosetere fo i ape. Kótóné ama so whi ḷórólo mo ti taaraleé? Mo meipó. Ti ḷkélé Israel fake i betere ape. Ḷta, Abraham-né deale naalené deté wale whi Benjamin fakené deale whiḷpó.

²Atima teó deyaaipatei, mo taketi Kótóné ama kisipa yale so whi ḷórólo mo ti taarénipó. Ti Elaijané yale ala aḷmó moletei kisipa muae. Kótóné Israel fake só derólo kwia melóḷpólo kisipa mutu, Elaijané i fo erapó.

³“Tale-ó, naao fo eratere kḷólo whiṗape atimané dóo, yaṗaae moma yaai aleólo muló betere kane fakekélé fisikólo taae falóo yalepó. Téturaalu, ḷ betḷ ḷḷsóko fólo betepa, mió atimané ḷkélé dólo aluraai du beteraḷólo,”

⁴Ai fo depa, Kótóné Elaijapaae noa fo ipakaleé?

“Kapala kótó Baal-paae bukutiri teḷró tale-ó yólo, moma initere 7,000 whiḷkélé atimané daḷsóro ḷpaetóro moma yóḷpólo, yaḷo atima tao sóro kae beteraḷepó,” erapó.

⁵Take ai ala ere kaae, mió i alimókélé Kótóné ama kisipa mole ala sya furaalu, hamokorólo ḷaḷe tao sere alané mepaae toróti so whi amatei sóko sóro kae betero beteraḷepó. ⁶Ti ama so whi atéro kae beteraḷe alata, Kótóné ama hamokorólo ḷaḷe tao sere alané erapó. Ti aita, whiṗné dere wisi ala kolólo inipó. Motamo wisi ala deremó uḷsóro, ti Kótóné ama hamokorólo tao sere ala ḷaḷe ḷla aḷ uḷpó.

⁷Atérapa, mió noa ala ere? Israel fake so whiṗné saai dapólo keteḷe buólo kekitu betale ḷla sinipó. Téyaleteti, Kótóné ama so whiḷpólo sóko suyólo kae beteraḷe so whiṗné maaté salepó. Mepaae so whiṗné hosaa ti Talené amatei ṗaraḷepó. ⁸Atére ala aḷmó erapó.

“Atimané kisipa tikikélé, Kótóné mo ti keyḷórolo okokoróo, kelenékélé me ḷla kelaḷsóro dilikiróo, wosḷlinékélé dere fo wosaḷsóro mo ti kinóo yaleteti, mió i alimókélé ai alatóro ḷaḷe erapó,”

⁹Depit-nékélé i fo aşrapó.

“Atimané la nokole alata, atima daaitere he alée fío, kotóo sóró dée nalatere kane fake alée fío duraalu, atimatei só deróló kwia melópoló yae.

¹⁰Atima kelenékélé me la kelaşsóro kele mo ti dilikiróló, atimané sekę beleyóló furaalu, sisó mo ti kęae wale nisi deretei ęle yó tanópoló yae,” erapó.

Ęle botokore ni, dao nitamo olekeyale fo

¹¹Térapa, ęalo diąpaae i dere fo wosae. Atima atéro dée naletei mo ti muó tawaleé? Mo meipó. Téni, atima dowi ala maaté du betepa, Kótóné tao sere ala Juda meire fake so whįpaae erótu beterapó. Israel fake so whįné ai ala kilituraalu, atimapaee eróluę alatei kae fake so whįpaae eralepóló, atima kisipa sópóló Kótónétei eralepó. ¹²Juda fake so whį atima Talené fo wosetere hýyóló dowi ala du betaleteiné, Kótóné ama wisi wisi ala i haemó betó mole so whįpaae erótu beterapó. Ai erótu betere ala Juda fake so whįpaae melaai yaletei, Juda meire fake so whįpaae malepó. Ai Juda fake so whį mo turó Talepaae momó fesaae waleteimó, i haemó betó mole so whįpaae waaire wisi wisi alata, take folosóro erale wisi ala bosenóló, mo dekéro fęayóló saalo ai ape.

¹³Dię Juda meire fake so whįpaae i dere fo wosae. Ęta, dię tuęmó Talené fo erópoló *aposel* whį sóró beteró betereiteiné, ama ala ęalo diąpaae eróló fakerótu beterapó. ¹⁴Aita ęle mei, ęalo fake so whįné dię tuęmó du betere wisi ala kaae, daękélé enée dere so whį mepaae Talené tao sópóló kisipa mutu, ketekętamo erótu beterapó. ¹⁵Ti noatepae, Talené Juda fake so whį kapala hóróló sisópaae eraleteiné, i haemó betó mole so whį Kótótamo bóe fiyóló betęmó beterapó. Ai ala mo epa, ti atima dape sere be demó sukóló mole so whį kepaarótu dere kaae eraalomeipóló de? ¹⁶Ti folosóro bulatere *flawa* o kęae sóró kwia Talepaae matepa, ai matere kwia Talené amapóló wisiróló kae mulóturaalu, mepaae ęle mulaleteikélé fea amapóló kae muló beterapó. Atétu dere kaae, ni bete Talepaae matepa, Talené amapóló wisiróló kae mulóturaalu, ni teteįkélé kae ai muló betere ape.

¹⁷Ti dięta, mo dao *Olip* ni teį mei, ęle botokore *Olip* ni teį tukó sóró mo dao *Olip* ni teteįrapetamo daalópoló, mepaae teteįrape tukó faróló, taemó olekeyalepó. Ti ai olekeyale ni teį horatere ęta, kale bete daale *Olip* tikimó kaaróló mótua dapó. ¹⁸Atérapa, dię olekeyale teteįrapené mepaae ęle ere teteįrape teęteróló bopé fakeyaşse. Diętamo bopé faketepa, ti ęalo i dere fo wosóló kisipa muae. Bete diriyóló daalópoló dię teteįrapené fotokoró bitini, teteįrape daalópoló, betené fotokoró beterapó. ¹⁹Ti me whįné etei fo enérápó. “Ę etéro olekeyóló daalópoló, mo teteįrape tukó faralepó,” ²⁰Aita mo deretei, atima tuę tiki tiréni yaleteiné Kótóné

tukó faróló, diaaḡ kisipa tiki tiró betere alané diḡ olekeyóló daalapó. Atérapa, me whiḡ tēteróló bopé faketera ala ini, winé sukutu Kótó aḡmó betae. ²¹Ti noatepae, Kótóné ama ḡḡlo ni tetejrape kḡle duraalu bokḡ sóró taaréni, mo tukó faralepó. Atéyale kaae, diḡkélé tukó faraalomeipóló de?

²²Ti Kótó aḡa, kḡleturaalu taosóro wisi ala eróo, dowi ala deremó deteraayóló kwia matere alakélé yóo dapóló kisipa muae. Yesupaae kisipa tiki tiréni, haepaae derepele so whiḡpaae Kótóné dowi kwia melóo, diḡ aḡpaae kisipa tiró betepa ama kḡlené sukutu tao sóo yaalopó. Atérapa, diḡ ama tao sere ala taaróló feni, ai wisi ala tuḡmó ḡḡle betó tawae. Aténitepa, ti Kótóné diḡkélé tukóló taae faraalopó. ²³Ti ai kale tukó farale tetejrape atima tuḡ tiki tiréni, dowḡae fu betere ala taaróló, momó kisipa feteyóló aḡpaae tuḡ tiki tiratepa, ti kale tukó farale ḡḡlemó Kótóné momó ḡḡmó olekenérapó. ²⁴Ti noatepae diḡḡa, ḡḡle botokore *Olip* ni tetej tukó sóró, ḡḡlo *Olip* ni ḡḡlemó olekeyaaitere ala mo hapólupatei olekerapó. Kale mo ḡḡlo *Olip* ni tēi tukó farale ḡḡlemó momó olekeyaaitere hapólu ini, ama mo ḡḡmó olekenérapó.

Kótóné Isarael so whiḡ tao saalopóló yale fo

²⁵Norape-ó, diḡ bopé faketuraaalu mepaae so whiḡ só deraḡsóro, kinóló mole ala diaaḡ kisipa yaasepóló, ḡḡkearóló i dapa wosae. Talené mepaae Israel fake so whiḡ atima hosaa mo ti ḡḡró betere ala ḡḡle epa, ti mepaae Juda meire fake so whiḡ Talené ama ḡḡle muló betereitei fea ḡḡmótóro ḡ beterepaae wapa, atima hosaa ḡḡretei Talené momó feteraalopó. ²⁶Atéturaalu, Israel fake mepaae turó aluyaḡsóro tao saalo ai ape. Ai fo kaae aḡḡmó erapó.

“Tao saaire whiḡ Saion be taaróló wouraaalu, Jekop fake so whiḡné Kótó sisópaae erale ala kemeraalopó.

²⁷Atima aluyaḡsóro ḡḡlo tao saalopóló muló betere dirii fo i ape. Atimané dowi ala ḡḡlo tokóló aluraalopó,” erapó.

²⁸Juda fake so whiḡ atima kale fo wisi ḡḡróló sisópaae eratereteiné diḡḡtamo bóe du beteraapó. Atima Juda fake so whiḡné kale wosetere fo wisitamo atéro bóe du betepatei, Kótóné ama so whiḡpóló sorokó su yóló kae betero betereiteiné ama hosaa mole naale senaalopóló, yaala sókó fu beteraapó. Ti aita, take noumatererapepaae i ala mo eraalopó yóló mulale fo sya furaalu du beteraapó. ²⁹Ti noatepae, Kótóné ama so whiḡpaae ḡḡle matere ala ama tuḡ feteyóló momó tokḡ sóo, ama kutó diraai ape depa wale so whiḡpaae, diḡ fae yóló ḡḡkonatere alakélé yóo dumipó. ³⁰Juda meire fake so whiḡ diḡ take betale alimó Kótóné fo aḡmó sukóló bitini, ama fo tikitu betalepó. Tétu betaleteti, mió Juda fake so whiḡ Kótóné fo aḡmó sukóló bitini, dowḡae fóló du betale alané Kótóné diḡ kḡlené sukutu tao saaire tuḡ mulalepó. ³¹Atére kaae, mió Kótóné diḡ kḡlené sukutu tao

sale alané take atimakélé koletu tao sópóló, mió Kótóné fo tukóló dowæae fu beteraþó. ³²Atéro dowæae fu betepa, Kótóné kolené sukutu atima mo fea tao saairaalu, fo tukóló dowi ala du betere tuæmó beteraþó kisipa muópóló, so whi fea ai ala tuæmó sóró beteralepó.

Kótóné doi sóró horatere ala

³³ Kótóné dotoróþe fóló mole tuþe tiki betero fea ala bete tuþere alatamo ama kaepó.

Téruraalu ¼la ¼la fea tale dere alaró ama du betere alatamo né taleyóló kisipa yaaié?

³⁴ “Talené ama mole kisipa turó né kisipa ere?

Kótóné ama du betere ala wisiyóló yópóló né yó maleé?

³⁵ Mé whiné Kótóné æpaae momó tokó melópóló, me ¼lakó melaleé?” erapó.

³⁶ Ti noatepae, Talené so whikélé, yó mole ¼la ¼lakélé mo fea amatóro kaaró beteraþó. Ai ¼la ¼la fea ama fotokone teþeróló kaae tapa yó mulapó. Betere ¼lanékélé, ere ¼lanékélé ama kisipa mole alatóro erópóló erapó. Atérapa, ai sekéné ama doasi doi ¼ale muó tanópóló yae. Mo kée! téyópóló yae.

Daþé betere bete turó Kótópaee ¼ale matere ala

12 ¹Térapa norape-ó, Kótóné da kolené sukutu tao sóró erótu betere wisi ala kilitu, hupu ó na simó sukulaa daaróló Talepaae mótu dere kaae, diæ mo bitutei, diaaþ hó, naase, tuþe tikikélé, hosaakélé fea Talepaae ¼ale melaasepóló i dere ape. Atéteþata, Talené ala erótu mo kae so whi betereþa, ama kolóló hekeseyóló senérapó. Ti aita, Talené diæpaae ¼ale eró betere alamó kisipa mutu, ama doimó mo donotóro dirótu betere kutó ai ape. ²Tétu, i haemó betó mole so whiné du betere ala diæné tokóló ini, take muale dowi kisipa taaróló, mió wisi kisipa muóló betae. Atéteþa, ti Talené kisi whi aleróló beteraalo ai ape. Atéro bitu, kae kae ala fea diænéte taleyóló ita, Talené ama yaai kisipa mole alapóló kaae kolóló, tuþe yaalopó. Kótóné kisipa mole alata, mo ala wisinaale, da mo whiné erateþa, ti æ mo heþeke yaalo ai ape. Ama kisipa mole ala mepaae ¼aþani, mo sumótóro mulapó.

³Ti noatepae, Talené hamokoróló æpaae melale kutó diróturaalu, diæ feapaae i dere ma fo wosae. Kótóné æpaae kisipa tiki tiratere ala yópóló, diæ feamó betæ betæ yóló ¼liró beteraþó. Atérapa, dere ala fea ¼alótóro sumó enérapóló, me whi só deróló bopé fakeni, Talené ¼a tuæpaae sýrateþa i kutó sumó dinérapóló kisipa muae. ⁴Da so whi fea mo betæ tikitóro daalapó. Ai betæ tikimó hó naase, kae kae tiki fea daaletei, ai tikirape feané betæ kaae alatóro dumi, kae kae ala dua dapó. ⁵Atéru ere kaae, da fea Yesu Keriso tuæmó mo betæ tikitóro daayóló beteraþó. Da

Keriso so whi fea olekeyóló betá tikitóro daaleteiné no netóro beterapó. ⁶Da feané Kótóné ala erópóló, amatei hãle hamokoróló kae kae kutórape dokoralepó. Mepaae whi Kótóné kóló whi bitu, Talené fo i ape yóló yó matepa, ama tué tiki tiró betere bete mole fo donotóro sya fóló erótu beterópóló yae. ⁷Talené kutó diratere so whirape bipi yaqsóro, tao sere kutó meló betepa, ti ai kutótóro dirótu betae. Mepaae so whipaae Kótóné fo yó matere ala meló betepa, ti so whipaae yó matere alatóro du betae. ⁸Mepaae so whipaaetamo Talené ala erótu betereitei taaréni, yó tanópóló keteké bulatere ala meló betepa, ti keteké bulatere fotóro du betae. Mepaae so whipaae so whi tao sóro hãle matere ala yópóló meló betepa, ti nalo kwia saai dapóló kisipa muóló meni, hãle sae yóló meló betá yae. Mepaae so whipaae so whi teteróló kaae taru alísóro fole ala meló betepa, ti kisipa ai alapaetóro mulóló, mo hotowaró kaae tawae. Mepaae so whipaaetamo so whi kolené sukutu tao sere ala meló betepa, ti kutiri teraae fóló, haĩtamo tao sere ala du beterópóló yae.

Ne nepaae yaala sókó furaalu mo alatóro erótu betae

⁹No nepaae hãle tó tikiné maaté yaala sókó feni, hosaa tuamó mo alatóro muluraalu, yaala sókó fu betae. Atétu, dowi ala mo ti sisópaae eróló, wisi ala betá botokó sóro tawae. ¹⁰Diaaó no nepaae yaala sókó fóló, u tao su i tao su dere ala hãle yó tawae. Naa no hamomané wisi ala du betepa, naao doi haepaae deróló ama doi sóro horóló, a dukirótu betae. ¹¹Talené ala erateretei, dekeyóló hõni, Deĩ Kepe Wisiné diaaó kepe bete tuamó keteké bulatepa, diaaó ama ala erótu betereitei si kaae hãle dó tanópóló yae. ¹²Take nalo Talené dapaae wisi ala mo eraalopóló kisipa mutu, sekeĩ ala wapakélé me ɔla meipóló hãle belée taru, haĩné sukóló momatere ala betá suka fea yó tawae. ¹³Kótóné ama kae betero betere so whi mepaae ɔla ɔla yaɔtapa, naao moletei bukóló hãle melae. Mepaae uké wale so whi naao bepaae wisi kisipatamo dape sóro ɔla melóló firae.

¹⁴Mepaae so whiné diapaae kae kae sekeĩ ala eratapa, Talepaae atima dorae fo ini, tao sae yóló wisiratere fotei yae. ¹⁵Haĩné sukutu, mo kée du betere so whitamo diakélé haĩtere ala yóo, dekené sukutu moló du betere so whitamo diakélé moló yóo, du betae. ¹⁶Diaaó no netamo betá kisipa muóló dua betóo, bopé fake dere ala ini, doi muni sókó deyóló betó mole so whitamo fulumuyóló betámó betóo dere ala hõ yaqse. Naaotei ya fea ala fea tuere whipóló, naao kisipanéitei mepaae so whi só deratere ala mo yaqse.

¹⁷Mepaae whiné diapaae me dowi ala eratapa, apaae momó tokó matere ala ini, so whi feané keletómó mo wisi ala maaté erótu betae. ¹⁸So whi featamo mo betá kisipatóro muóló, naao hosaa muni deyóló betere ala enépa, ti naao dere ala mo dua bituraalu du betae. ¹⁹Norape-ó, menétamo diapaae sekeĩ ala eratapa, kwia tokó matere ala ini, Kótó

ꜱ fopaae buturaalu, ai kwia ama melópoló taalae. Ti noatepae, Talené ašemó i fo erapó.

“Mepaae whínétamo dowi ala eratepa, ti kwia tokó matere kutóta yałopó,” erapó.

²⁰Atérapa, kwia tokó meni,

“Naao bóe whítamo wotetepa, ti ɔla melóo, wɛi nokolepa, ti wɛi melóo yae.

Ti naao ɔpaae ai eratere wisi alané ama hosaamó saalopó.

Atéroró eratere ala ti ama topomó si kelerape hupó kaae horóló maaalopó,” erapó.

²¹Dowi alané ya só deraɔsóró hotowaró kaae taru, wisi alanétei dowi ala tɛteróló alurópoló yae.

Tɛteróló kaae tare whırape aɔmó betae

13 ¹So whı fea tɛteróló kaae tare *Gavman* whırapené dere fo wosóló, diꜱ fea atima aɔmó sukóló betó muae. Ti noatepae, ai whırape fea atéroró so whı tɛteróló kaae tanópoló, mo whıné sóroró beteréni, Kótónétei ai tɛteróló kaae tare kutó melóo, ai whırapekélé sóroró beteróo erapó.

²Atéptei, mepaae whıtamo ai tɛteróló kaae tare whırape aɔmó bitini, bóe du betepa, ti ai whırapetamo maaté dumitei, Kótóné eró betere alatamokélé bóe dilapó. Atéroró bóe dele alamó atima só deróló dowi kwia melaalopó. ³Ti noatepae, mepaae donoi ala du betere whırapeta, kale tɛteróló kaae tare whırape kolóló wi dumitei, fo tukóló dowi ala du betere whırape ti witua dapó. Kale tɛteróló kaae tare whırape kolóló diꜱ wini, halaainé betaai kisipa mutepa, ti wisi ala du betae. Atéptei, ti atimané ya whı wisipóló dukiraalo ai ape. ⁴Ti atima, Kótóné kutó diratere whı bitu, diꜱ wisiyóló beterópoló, wisi ala erótu betere whırapepó. Téptei, diꜱ dowi ala du betepa, ti mo wi yae. Ti noatepae, ama ai tawóló kutu betere sepake hałe tarapóló kisipa mute? Ti ɔta, Kótóné kutó diratere whı bitu, dowi ala dere so whıtamo fopaae buóló kwia matere ala yópoló, Kótónétei ɔ sóroró beteró beterapó. ⁵Térapa, da so whı fea kale tɛteróló kaae tare *Gavman* whırape aɔmó betae dereteita, i betené dapó. Naao mo dere alamó kwia melóo, naao iniyale alamókélé hosaa tuamó mole kisipanétei diꜱ só deróo yaɔsóró, atima aɔmó betenérápó.

⁶Me i alamókélé diꜱ wituraalu, *takis moni* mótua dapó. So whı tɛteróló kaae tare *Gavman* whırapeta, Kótóné kutó diratere whırape bitu, betere dokó fea so whı tɛteróló kaae tare alatóroró deté fu beterapó. ⁷Mepaae doasi doi mole whırapepaae eraaire ala mupa, ti feané mo erae. Ai alarape i ape. Atimané diꜱpaae *takis moni* etéroró ɔlae depa, ai sutoró melóo, mepaae tómó beleróló ɔlae depakélé melóo, mepaae ala tɛteróló kaae tare whı betepa, ti ai whı kolóló witu, ɔ aɔmó betóo, mepaae tɛteróló kaae tare whı doasi doi mupa, ti ai whı mo doasi doi muópoló hale horóo du betae.

Ā waaire be d̄e felekerapa, ne nopaae yaala sókó fu betae

⁸Mepaae wh̄iné nalo tok̄o melaai dapóló sale ɔ̄la kwia mupa, ti ai kwia hāle muó tawaɔsóró hapale tok̄o melae. Ti yaala sókó fole ala bet̄a kwia tok̄o melóló kemeraaire ala meipa, ne notamo yaala sókó fole ala hāle yó tawae. Ti noatepae, mepaae wh̄iné ama be wh̄i so wh̄ipaae yaala sókó fole ala du betepa, ti kale tukóló muló betere foné yae dere ala mo ai dokonatere ape. ⁹Kale tukóló muló betere forape i ape.

“Nópu nokole ala yaɔse, Wh̄i dóló sukunaɔse, ɔ̄lémi naɔse, Mené ɔ̄la senée yóló au naɔse,” erapó.

Mepaae tukóló muló betere forape fea husiró betere mo topo ala i ape.

“Naaotei yā yaala sókó fu dere kaae, so wh̄i feapaae atéro yaala sókó fu betae.”

¹⁰Mepaae wh̄iné ama ne nopaae yaala sókó furaalu, wisi ala eratepa, ti atima doratere ala mo yaalomeipó. Atéro yaala sókó fole ala du betepa, ti kale tukóló muló betere foné yae dere ala mo turó dokonatapó.

¹¹Mió i bitu du betere ala bete diriyóló kisiparu, yaala sókó fole ala du betae. Ti noa betené dumi, d̄a Talepaae kisipa tirale be d̄emó kaae sóró bitiré wóló, mió d̄a tao sóró dape saaire be d̄e mo felekemó sókó walapó. Térapa, noke firetei turukó horóló keke diriyóló betae. ¹²Mió kale be d̄e sókó wouraalu, diliki mo felekemó kemeraai dapó. Térapa, diliki tuamó bitu du betere ala tu d̄epaae mulóló, bóe daai wase dakorótu dere kaae, kale d̄e tuamó mole ala wisi dīané bopémó dakeró betae. ¹³D̄a d̄e tuamó kisipa wisi muóló betere so wh̄iné dere ala kaaetóro du betae. Dīa so wh̄i fea fo dokóló dowi w̄ei nokole alaró so nópu nokole alatamokélé, so ó wh̄i nópu nokole alaró kae kae sonaalei alatamokélé, hōle sere alaró dei tūé muóló alale sere alatamokélé momókó yaɔse. ¹⁴Ai dos̄ayale dowi alarapekélé, mepaae naao tó tikiné ek̄elere alakélé netéro yaaloé yóló tūé teketu bitini, d̄a t̄eteróló kaae tare wh̄i Yesu Keriso bet̄a kuti kaae deróló betae.

Kisipa tiró betere ala dirire wh̄iró fotok̄o buni bére wh̄itamó

14 ¹Kótóné i ala yae ó yaɔse fo hākearóló inipa, me wh̄iné ama kisipa tiró betere ala béruraalu, ama tūéné etei kaae ala dopa yaalomeipó dere kilitu, taleyóló só deraɔse. Téní, mo nopóló dape sae. ²Me wh̄i ama kisipa tiki tiró betere alané fea ɔ̄la s̄umó nenérapóló nóo, me wh̄iné ama kisipa tiki tiratere ala fotok̄o buni béruraalu, kutómó bilitere mo ɔ̄la maaté nóo, dua dapó. ³Fea ɔ̄la nokole wh̄iné kutómó bilitere ɔ̄la maaté nokole wh̄itamó dei kisipa mutu, ā eróló belei aɔraɔse. Atétu dere kaae, fea ɔ̄la nénitere wh̄iné fea ɔ̄la nokole wh̄ikélé só deraɔse. Ti noatepae, ai wh̄ita, Kótóné ama naalepóló dape sóró betero betepapó. ⁴Yā noa kaae wh̄i bitu, me wh̄iné kutó diratere wh̄i só deróló taletere ala

du bitute? Ai whi ą teteróló kaae tare whinétóró taleyóló ą só deróo, só deréni yóo, enérápó. Ti noatepae, me whiné ą só deratere ala yaalomeitei, diriyóló beteřpóló Talené betą fotokọ bulatere ala enérápó.

⁵Mepaae whiné betą be deř Talené ama daře muló beteřapóló kisipa muóo, me whiné mepaae be deřkélé fea betą kaaepóló kisipa muóo du beteřapó. Dią betą betą so whiné noa kaae be deř mo dono be deřpóló kisipa mutepa, ti ai kisipatóró sya fenérápó. ⁶Me whiné betą be deř mo doasi be deřpóló kisipa mutepa, ti ą teteróló kaae tare Talepaaetóró kisipa mutu dapó. Mepaae whi hupu, na, ba, nukupa, ti ą teteróló kaae tare Talepaaetóró kisipa mutu, mo kée yóló nukulapó. Mepaae néni were whikélé Kótópaetóró kisipa mutu, mo kée yóló we dapó. ⁷Ti noatepae, dařkó mo betą whikélé ama kisipa mole ala yaai dapóló ama kolenétei betóo, betą whi sukutepakélé, ama kolenétei sukọo dumipó. ⁸Dař betere alakélé, sukutere alakélé, ti Talené ama kele tómotóró erapó. Téřapa, dař haře betepa ó sukutepakélé, Talené ama so whitóró beteřapó.

⁹Ti Yesu Keriso ą sukóló momó kepaayóló beteřeteita, ti betere so whiřó sukąle so whitamó teteróló kaae tare Tale betaairaału, erapó. ¹⁰Ařa, atére Tale beteřapa, naao noné dere ala ó mole tuř tiki taleyóló, dorapóló noatepa só derótu betere? Ó dią mepaae so whinékélé diaao no nené ere ala kolóló, diřa, ę kaae mei beleipóló só derótu bitute? Ti noatepae, dařné du betere ala Kótóné tale yóřpóló, dař fea ą beteřepaae betą betą yóló fóló, daaneta yaalopó. ¹¹I fo ařeyóló muló beteřapó.

“Eřa mo Tale bitu, yařo i dere fo hařsókoř feni, mo yaaitere fotóřó diřpaae dapa wosae.

So whi mo fea ę beteřepaae wóló bukutiri tearı bitu, yařa etei kaae Tale beteřapó fo mo yaalo ai ape,” erapó.

¹²Atéturaału, dař so whi dokọ feané du betale ala Kótóné taletepa, dařné yale alarape ama keletómó daału, dařnétei dořayóló eneta yaalopó.

¹³Téyaalopa, dařné ne noné dere ala taleyóló u só deřaře i só deřaře du beteřetei mo taalae. Téni, naao du betere alanétei naao no nené tuř doróló dée nalařsóřó, naao dere ala ti tuř tekeyóló yae. ¹⁴Ti eřa, Tale Yesu Keriso tuąmó bitu, fea ęla naairetei fo muni, featóřó nenérápóló yařo mo diriyóló kisiparapó. Téřatei, mepaae whi ama kisipané mepaae ęla doreteiné naalomeipó depa, ti ai whi ą were ęla mo nenénipó. ¹⁵Yesu Keriso sukóló tao sale no hamoma naao ęla nokole alané dorařsóřó yae. Mepaae naao no ne were ęla nokoletuiné atima tuř tiki doróló seķeřatepa, ti yař tuąmó yaala sókoř fole ala mo munipó. ¹⁶Naao mo wisi ala depatei, me whiné naao dere ala kolóló ą dée nukupa, ti naao ą dée nanalepóló yař eratere fo yařsóřó, naao dere ala kisipa tekeyóló yae. ¹⁷Ti noatepae, Kótóné teteróló kaae tare tuąmó, ęla nokole alaró *wain* weři nokole alatamo doasi bete munipó. Téřatei, Deři Kepe Wisiné dař tuąpaae eřótu betere mo donoi alakélé, hosaa muni deyóló mo dua betere

alakélé, haïne sukutere alakélé, i alarape feata, ti doasi bete mulapó.

¹⁸Atéreteiné mepaae whi dené Yesu Kerisoné ala eróturaalu, i dosqaté wale alarapetamo du betepa, ti Kótókélé hekese yóo, mo so whinékélé wisi ala dapólo yá dukiróo yaalopó.

¹⁹Térapa, diaaq mepaae du betere alané hosaa muni deyóló mo dua betere ala epa, ti da feané Talené ala eraté fóló, mo dirii whi betaaire ala betá keteké buóló eróló fakeraalopa siépe. ²⁰Kótóné so whi tuapaae erótu betere ala mepaae ɔla nokole alané doraqsóro yae. Nokole ɔla fea doni, nenérapó. Tépatei, naao ɔla nokole alané mepaae were whi dée nalatepa dorapó. ²¹Hupu, na, ba, *wain* wei nokole ala ó mepaae dere alanékélé, naao no dée nenérapóló kisipa mutepa ti taalae.

²²Térapa, ɔla nokole ala, ó wetere ala, ó kae kae be demó me ala yaqsóro dahe mole alakélé, me noa kaae ala naao mopóló kisipa tiki tiró betepa, ti yaró Kótótamo tuamó betá erópóló yae. Mepaae whiné wisirapóló kisipa muóló dere alanétei á só derénipó depa, Kótóné wisiró beterapóló haïne sukutu beterapó. ²³Tépatei, mepaae whi de tué tamó mulu, Talepaae tué tiki tiró betere ala sya furaalu, wisirapó kisipa muni hoko nukupa, ti ai whi dowi ala dapó. Ti dané du betere ala fea tué tiki tiró betere alatóro sya fóló initepa, ti dowi ala dapó.

15 ¹Da tué tiki tiratere ala fotokó bole so whiné da kisipa felé yaaire ala maaté ini, mepaae tué tiki tiró betere ala bére so whiné ené inire ala tao sóro eratepa mo wisirapó. ²Da dokó feané ne no hamoma hekese yópóló, wisi ala eraté fu betenérapó. Atétepa, ti ama tué tiki tiró betere ala mo fotokó buturaalu, á dirii whi bitiré faalopó. ³Ti noatepae, Yesu Kerisonékélé amatei á kisipa felé yaaire ala ini, dapaae wisi ala eróturaalu á sekei ala salepóló asemó erapó.

“Mepaae so whiné yá faleyóló dowi fo du betaleteita, mo epaetóro eralepó,” erapó.

⁴Ti noatepae, take aseýóló muló betere fo feata hahe ini, dané dosaqayóló kisipa sópóló erapó. Aita Talené ala eró taruraalu, ama asere foné matere keteké da tuamó boleteiné take dapaae wisi ala eraalopóló haïne sukutu beterapó.

⁵Térapa, hahe yó tare alaró ketekétamo matere Kótóné diá Yesu Keriso sya fu betepa, diá fea mo betá kisipatóro muóló betere ala erópóló yae.

⁶Até iruraalu, diá feané hosaa tuamó betá kisipatóro muóo, betá fotóro yóo deremó, da tetéroló kaae tare whi Yesu Kerisoné Alima Kótóné doi hale horaalopó.

⁷Atérapa, Kótóné doi hale horaairaaluu, da tetéroló kaae tare whi Kerisoné diá dape su yale kaae, diaaqkélé mepaae no ne hamoma wisiyóló dape sae. ⁸Ti noatepae yahe i dere fota, kale Juda fake kaarale noumatererapepaae yóló mulale fo mo dokonóturaalu, Kótóné ama ere fo so whiné mopóló diriyóló kisipa yópóló, Yesu Keriso á Juda fake so whiné

kutó diratere whi alée felepó. ⁹Ti Yesuné ai ere alata, Kótóné atima Juda meire fake so whi kōlené sukutu tao salepóló, ama doi doasi mulópóló erapó. I dere fo kaae aseḡmókélé erapó.

“Atéreteiné ę Juda meire fake tuḡmó bitu, yaḡo naao doi doasi mulóo, naao doimó wole fo wisi wisi yóo, du betaalo ai ape.”

¹⁰Ai fo kaae me i ape.

“Juda meire fake so whi-ó, diḡkélé ama so whiḡtamo touyóló haḡiné sukutu betae.”

¹¹Kale fo kaae me i ape.

“Diḡ Juda meire fake so whi-ó, i haemó betó mole so whi featamo Talené doi hale sóró horatere wole forape du betae.”

¹²Ai fo kaae Aisaianékélé erapó.

“Jesi betemó kaayóló sókó holaaitere whiḡné i hae kwia feamó betó mole so whi ṡṡeteróló kaae tawaalopó.

Atépa, Juda meire fake so whi atimapaee take ama wisi ala eraalopóló haḡ kisipa mutu, ḡpaee tuḡ tiki tiróló betaalopó,” erapó.

¹³Take ḡpaee wisi ala eraalopó du betere Kótópaae diḡné tuḡ tiki tiró betepa, ti ama hosaa muni deyóló dua betere alaró haḡiné sukutere alatamo diḡpaee eróló mo ṡurópóló yae. Atéturaalu, kale Deḡ Kepe Wisiné diḡ fotokḡratepa, take nalopaee Kótóné ḡpaee wisi ala eratepa kelaalopóló dere haḡ mo ti faḡyóló ṡuturaalu, feleyóló fḡpóló yae.

Pol Juda meire fakepaee Talené fo yó male feletei

¹⁴Yaḡo norape-ó, diḡ tuḡmó wisi ala faḡyóo, mo fo bete turó diaaḡ kisipa yóo, kisipa tikikélé mo fosó fosó yóo ere ala yaḡo kisiparapó. Téru, diḡsisi ketekeḡ bulóturaalu, ma fo u du, i du dere alakélé mo enérapóló kisipa mutapó. ¹⁵Mepaae doasi bete mole forape diaaḡ kisipa epatei, mo ti diriyóló tuḡ yaasepóló, ę halaaíné diḡpaee momó ai aseḡyale ape. Ti noatepa meipó. ę Juda meire fake so whi kuamó, Yesu Kerisoné kutó diratere whi bitu, ama fo wisi yó maté kweyópóló ai kutó Kótóné hamokoróló ępaee haḡe melóló ę sóró beteralepó. ¹⁶Até ereteita, mo so whimó Talepaee momaratere whiḡrapené kḡlaa wisi wópóló simó sukḡlaa dalótu dere kaae, Kótóné kale fo wisi Juda meire fake so whiḡpaee yaḡo erótu beteraḡó. Aita haḡe mei, ai fo wisi wosóló sya fupa, ti Deḡ Kepe Wisiné atima wisiróló kae beteraḡere ala Kótóné kilitu, ita haḡe matere ḡla wisipó yópóló kisipa mutu, du beteraḡó. ¹⁷ę Yesu Keriso tuḡmó bitu, Kótóné ama so whiḡpaee i erótu betere mo bete mole kutópóló dukiróló hale horótu beteraḡó. ¹⁸Mepaae yaḡo initere ala diḡpaee yaalomeitei, Juda meire fake so whi Kótóné fo aḡmó sukḡló beteraḡópóló, ṡṡeteróló kaae tare whi Kerisoné ę fotokḡratepa, yaḡo foró yale alatamo diḡpaee i dere ape. ¹⁹Kale Deḡ Kepe Wisiné ę fotokḡratepa, kae kae kelemei alaró doasi

sira yaaire alatamo eróturaalu, Jerusalem bemó kaae sóró yó maté fóló, Ilirikum hae kwiamó sókó felepó. Téturaalu, Kerisoné fo wisinaale mo turó yó maté kweyalepó. ²⁰Mo take yało enée yóló muté wale kisipa i ape. So whi teteróló kaae tare whi Keriso tuę inire be huluapaae kale fo wisi yó maté kweyaai yalepó. Atéyaleteita, hałe mei, me whiné diyale kutó kwia kemeróló ditu dere kaae, yaaire hōtepa yalepó. ²¹I dere fo kaae ašemókélé erapó.

“Ata etei kaae whipóló mené yó matepa kilini yale so whinėtei a kolóo,

etei kaae whipó depa woseni yale so whiné ama fo wosóló a kisipa yóo yaalo ai ape.”

²²Ę taketitei dią beterepaae waai yalemó, ai alarapéné bi bi duraalu wénipó.

Pol Rom-paae faai tale yaletei

²³⁻²⁴Tépatei, i hae kwiamó tę mole be hulua dokó fea Talené fo yó maté kweyóló sųreteiné mió me kutó diyaaire tę munipa, ba fo dokó fea yało dią kełe wonée du betalepó. Téyaletei, mió me kutó diyaaire tę munipa, Spen hae kwiapaae faai wouraalu, dią keleté waai kisipa mutapó. Ti ę dią beterepaae sókó wóló, mepaae be dę diątamo ekei yóló beteró, nalo ę faaire tikipaae fupa, mepaae yaąare ọlarape diąné tao saasepóló dapó. ²⁵Até yaai waairaalu, mió Jerusalem bemó Kótóné kae beteró betere so whipi tao sene fulapó. ²⁶Ti noatepae, Jerusalem bemó Kótóné kae beteró betere so whi kuamó, mepaae yolealere so whi hałe tao suraalu, Masedonia hae kwiaró Akaia hae kwiatamomó Kótóné ama kaae beteró betere so whi atima kisipanétei hekesetamo *moni* derąleta yalepó. ²⁷Atéro atima wisi kisipatamo derąleta yale *monita*, take folosóro Juda fakené atimapaae erale wisi ala kwia mulapó. Ti ai kwiata, folosóro Juda fakené Juda meire fake so whi atimané kepe tuąpaae Talené wisi ala eralepó. Atéyale alamó, Juda fakepaae momó tokó móturaalu, atimamo tao sóró yaąare ọla matepa, mo wisirapó. ²⁸Aita, ępaae diyae yale kutó ereteiné atima haıtamo ai *moni* sere ala kolóló, ę Spen hae kwiapaae faai wouraalu dią keleté waalopó. Ti ai *monita*, folosóro dotęyale *aposel* whi rapéné ditere kutómó oleyale du ai ape. ²⁹Ę dią beterepaae wale sukamó, so whi teteróló kaae tare whi Kerisoné eraterere wisi ala ę tuąmó faąayóló mo sųratepa, diąpaae eraai waalopóló kisipa mutapó.

³⁰Térapa, no nerape-ó, dą teteróló kaae tare whi Yesu Keriso tuąmó betere alaró Dęi Kepe Wisiné matere yaala sókó fole alatamo ę tuąmó moleteiné diąpaae setere fo dapó. Ti noatepae, yało yaaire ala yaqsóro sekęi alané sesétu beterapa, diąkélé ętamo ai sekę tuąmó bitu, Kótóné ę tao sųpóló momatu betae. ³¹⁻³²Ti ęmó momaraaitere ala i ape. Judia fake Kótóné fo woseni hałe betó mole whi rapéné ę daqsóro momaróo,

Jerusalem bemó kae betero betere so whi tao sóró melaaire *moni* atima wisi tuétamo sópóló momaróo du betae. Téturaalu, Kótóné ama kisipané etamo diá beterepaae wópóló depa, ti wóló, dá fea ekei yóló sa wisi nóló betero sópóló, momatu betae. ³³Térapa, hosaa muni deyóló mo dua betere ala mótu betere Kótó diá featamo betero sópóló yae. Mo kée. Teyópoló yae!

Pol-né ama fulumu whirapepaae kóló yale fo

16 ¹⁻²Kenkria be huluamó betó mole Keriso so whiné kutó diratere so dané ne Fibi-ta, mo so wisipó. Atérapa, Kótóné kae betero betere so whiné mepaae so whi mo wisiyóló dape su dere kae yóló, akélé Tale tuámó betere sopa, mo wisiyóló dape sae yóló i dere ape. Atéturaalu, a me ala ó me olakó yayá depa, ti diaa a tao sae. Ti noatepae, ata so whi fea tao suraalu, ekélé mo wisiyóló tao su betere sópó.

³Yesu Kerisoné doimó etamo betámó kutó diratere so Pirisilaró oma Akuilatamopaae kóló yae. ⁴Ti atimaamo mené delépatei witere ala ini, halaainé e tao su betalepó. Atéteremó, yalokélé mepaae Juda meire fake Keriso so whiné kélé, atimaamoné yale alamó Talepaae mo kée du beterapó.

⁵Atimaamoné bemó touraleta du betere Keriso so whipaaekélé kóló yae. Yalo hosaa mole no Epainetus-paaekélé kóló yae. Ti ata, Esia hae kwiamó betó mole so whi Yesu Kerisoné doimó Keriso betaaipa, folosóro api Keriso betale whipó.

⁶Diá tao saai kiswa mutu, depe tukó wei kutó diale so Mariapaae kóló yae.

⁷E fake whi e yale kae, *dipula* beterale seké Adronikus-ró ama soma Junias-tamopaae kóló yae. Ti atimaamota, e Yesu Keriso tuámó betaaipa folosóro Keriso bitu, kale *aposel* whirape betere tuámó mo doasi doi mole soró whitamopó.

⁸Tale tuámó bitu, yalo mo hosaa mole no Ampliatus-paae kóló yae.

⁹Dá Yesu Keriso tuámó bituraalu, betá kutó diterere whi Urabanus-ró yalo mo hosaa mole no Stakis-tamopaae kóló yae.

¹⁰Yesu Keriso tuámó betepa, kaae kolóló whi wisipó du betale seké Apesipaae kóló yae. Aristobulus-né be whi so whipaaekélé kóló yae.

¹¹Yalo fake whi Herodion-paae kóló yae. Narsisus-né bemó betó mole mepaae Tale tuámó betere so whipaae maaté kóló yae.

¹²Tale tuámó bitu, mo depe tukó wei kutó ditu betale so tamo Tipaenaró Triposa-tamopaae kóló yae. Me yalo mo hosaa mole ne Tale tuámó bitu, mo doasi depe tukó wei kutó ditu betale so Persis-paaekélé kóló yae.

¹³Tale tuámó betepa, sókó sóró kae beró betere whi Rufus-ró hamatamopaae kóló yae. Ti ama hamata, yalo hae kae bitu, e tao su betale sópó.

¹⁴Asinkritus, Flekon, Hermes, Patrobas, Hermas-sépi, atimatamo betó mole mepaae norapepaaekélé kọleó yae.

¹⁵Filolokus, Julia, Nereus-ró ama nematamokélé, Olimpás-kélé, atimatamo betere Talené kae beteró betere so whị feapaaekélé kọleó yae.

¹⁶Kótóné ama kae beteró betere so whị bitu, kọleó yóló apuóló, diąsisitei kọló u tukó nuku, i tukó nuku du betae. I bemó betó mole Keriso fake so whịnekélé dią feapaae kọleó i dere ape.

¹⁷No nerape-ó, diąpaae yó male mo bete mole fo wisi mupatei, mepaae kae kae họko fo yó matere whịrapené dią betámó betteretei tekeróló, diaaọ du betere wisi ala taaróló, dią dée nalaşsóró, tika kae bitu, ai whịrape mo hotowaró kae tawae. ¹⁸Ti noatepae, atei ala du betere whịrapeta, daą tetéróló kae tare whị Yesu Kerisoné kutó diréni, atimané yaaire ala maaté ekęleyóló du beterapó. Atéru, mo bete mole fo diriyóló tuęnire so whị dilikóló hałe mulóturaalu, mo felei foró dukiratere fotamo du betere whịrapené dią kọpaae falaşsóró wisiyóló kae tawae. ¹⁹Dią fea Kótóné fo wosóló aqmó sukóló betó mulapó dere fo, i bemó betó mole so whị feané wosalepó. Dią ai ala erapóló deté fole fo yało woseturaalu, ę mo doa hainė sukutu beterapó. Térapa, dowi ala mulapóló, só derané inire so whị bitu, wisi ala betą yaai, kisipa fosó fosóre so whịtóró betae.

²⁰Mo hosaa muni deyóló dua betere ala mótu betere Kótóné Satan tetéróló, diaaọ hó aqmó betteratere ala mo felekemó yaai dapó. Daą tetéróló kae tare whị Yesu Kerisoné hamokoróló hałe tao sere ala dią tuapaae erópóló yae.

²¹Ętamo betą kutó diterere whị Timotinékélé, yało be whị Lusias, Jeson, Sosipata, atimanékélé diąpaae kọleó dapó.

²²I fo asęrale whị ę Tertius daą tetéróló kae tare Tale tuámó bitu, yało diąpaae kọleó dapó.

²³Ękélé, mepaae imó betó mole Keriso so whịkélé, daą fea touróló ọla nukua dere be tale Kaius-né diąpaae kọleó dapó. I doasi be huluamó *moni* tetéróló kae tare whị Erastus-ró dané no Kuartus-tamoné diąpaae kọleó dapó. ²⁴(-)

²⁵Yesu Kerisoné yale ala i ape yóló, mió yało yó mótu betere fo wisi diaaọ wosetu betepa, Talené ama ai fonétei dią diriyóló beterópóló, fotokọ şumó bulalérápó. Atére alamó ama doi doasi muópóló yae. ²⁶Ai ala wisita, mo take bitiré wale whịrapené kilini, kinóló moletei mo ti betó tare Kótóné ama fo eratere kọló whịrapepaae i fo asę yae depa asę ipakalepó. Aita hałe meipó. So whị feané i fo dosąayóló kisipa duraalu, kinóló muale ala i haemó betó mole so whị feané Yesu Kerisopaae tuę tiki tiróló ą aqmó bitu, ama ala eraté fu beterópóló haķearó beterapó. ²⁷Atére Kótó betą fea ala fosó fosóre bete tale beterapa, ama doasi doi hałe muó tanópóló, daą Yesu Keriso tuámó bitu, hale sóró horótu betae. Mo kée, téyópóló yae!